



KOMMUNE KUJALLEQ

TEKNIKKIMUT AVATANGIISINULLU INGERLATSIVIK

POSTBOKS 514, 3920 QAQORTOQ

TLF (+299) 70 41 00

WWW.KUJALLEQ.GL

Inuussutissarsiorfunit eqqakkat pillugit maleruaqqusat
Kommune Kujalleq

2021

Taaguutaa: Inuussutissarsiorunit eqqakkat pillugit maleruaqqusat
Kommune Kujalleq

2021

Uannga suliarineqarpoq: Teknikkimut Avatangiisinullu ingerlatsivik
Inatsisisinut tunngasortai uannga misissorneqarput: Namminersorlutik Oqartussani Inatsisileriffik
Akuersisoq: Kommune Kujallermi Kommunalbestyrelse

Imai

§ 1 SIUNERTAA	4
§ 2 INATSISIT TUNNGAVIGISAT	4
§ 3 ATUUFFIA	4
§ 4 NASSUIAAT	5
§ 5 PISUSSAAFFIIT PISINNAATITAAFFIILLU	7
§ 6 IMMIKKUT AAQQISSUUSINERIT	12
§ 7 NAKKUTILLIINEQ AQUTSINERLU	12
§ 8 AKILIUTEQARTITSINEQ	13
§ 9 IMMIKKUT AKUERSISSUTIT	14
§ 10 SAAFFIGINNINNEQ NAAMMAGITTAALLIORNERLU	14
§ 11 UNIOQQUTITSINEQ KINGUNEQARTITSINERLU	14
§ 12 PIGINNAATITSINEQ	15
§ 13 ATORTUULERSITSINEQ	15
§ 14 EQQAGASSAT ULLUINNARNI EQQAGASSANUT ASSINGUSUT	16
§ 15 EQQAGASSAT ULORIANARTUT, ATORTUKUT SARFATORTUT AAMMA NILLATAARTITSIVIIT/QERITITSIVIIT	20
§ 16 QISUIT EQQAKKAT	23
§ 17 NUNAMERNGIT MINGUTSITAANNGITSUT MINGUTSITALLU	24
§ 18 EQQAKKAT IKUALLANEQARNISSIONNUT NALEQQUTTUT	25
§ 19 SAVIMINIHKUT	26
§ 20 QAMUTIT MOTORILLIT UMIATSIALLU ATORUNNAARTUT	27
§ 21 SANAARTORNERMIT IGITASSAT	29
§ 22 EQQAGASSAT MATOORUSSASSATUT NALEQQUTTUT	30
§ 23 EQQAKKAT ANGISUUT	31
§ 24 IGALAAMERNGIT IGALAAMERNILLU PUULLIT IGITASSAT	32
§ 25 EQQAKKANIK TIGOORAAVINNUT/ATOQQIIVINNUT AAQQISSUUSSINEQ	33

§ 1 SIUNERTAA

Maleruaqqusani ukunani Kommune Kujallermi inuussutissarsiorut eqqagaannik katersinermut tunngatillugu aqqissuussinerit innersuussisarnerillu aalajangersaaffigineqarput. Malittarisassani inuussutissarsiorut eqqagaannik pitsasumik immikkoortiterineq, passussineq igitsinerlu qulakkeerneqassaaq.

Maleruaqqusani siunertarineqarpooq mingutsitsinaveersaarnissaq eqqiluisaanngitsumillu pissuseqarnissamik pinaveersaartitsinissaq, aammalu inuussutissarsiorut eqqagaannik atorluaanissamik siuarsaanissamut nukissanik atuinerup killilersimaarneqarnissaq.

§ 2 INATSISIT TUNNGAVIGISAT

Maleruaqqusat inatsisit atuuttut tunngavigalugit suliarineqarput:

- 1) Avatangiisit innarlitsaaliorneqarnissaanik Inatsisartut inatsisaanni nr. 9, 22. november 2011-meersoq § 36, imm. 3
- 2) Igitassanik eqqaasarneq pillugu Namminersornerullutik Oqartussat nalunaarutaanni nr. 28, 17. september 1993-imeersumi § 18
- 3) Oliakunit akuutissanillu eqqagassat pillugit Namminersornerullutik Oqartussat nalunaarutaanni nr. 29, 17. september 1993-imeersumi § 17, imm. 1 aamm 2

§ 3 ATUUFFIA

Maleruaqqusat Kommune Kujallermi suliffeqarfinnut tamanut atuupput. Qaqortumi, illoqarfinni nunaqarfinniliu pissutsit sullissinerullu assigiinnginnerat pissutigalugu immikkoortuni taakkunani pingasuni maleruaqqusat arlalitsigut assigiinngissuteqartinneqarput. Kommune tamakkerlugu immikkoortuni makkunani malittarisassat assigut atuutsinneqarput:

- Qaqortoq
- Illoqarfiiit allat (Nanortalik aamma Narsaq)
- Nunaqarfiiit

Suliffeqarfiiit avinngarusimasumiittut / asimiittut eqqagassaatiminnik namminneq assartuisussaallutillu kommunip eqqagassaleriviinut tunniussisussaatitaapput. Eqqakkat immikkoortiterneqassapput eqqagassalerinermi aqqissuussinerit maleruaqqusat matumani nassuarneqartut naapertorlugit.

Maleruaqqusat Kommune Kujallermi inuussutissarsiorut eqqagaannut tamanut atuupput, immikkoortulli uku pinnagit:

- 1) Anartarfilerinermut maleruaqqusaq, Anartarfiiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-meersoq naapertorlugu aamma Kommune Kujallermi Anartarfilerineq pillugu maleruaqqusatigut malittarisassaqartinneqartoq 2016-imeersoq.
- 2) Eqqakkat radiup qinngornillit
- 3) Aallaasit imassaat sakkullu politiinut tunniussassat
- 4) Eqqakkat qaarsinnaasut, soorlu qummoroortartut qaartiterutissallu, qatserisarfeqarfinnut tunniunneqartussat
- 5) Nakorsaatit, nakorsaatit sinnikui, peqqinnissaqarfiiit eqqagaat ulorianateqarsinnaasut, peqqinnissaqarfimmuit tunniunneqartussat

Kommunip iluani avataanilu misissuinermit aatsitassanillu piiyanermit eqqakkat immikkoortuni misissuinermit aatsitassanillu piiyanermit immikkut malittarisassani § 6.3-imi atuarneqarsinnaapput.

§ 4 NASSUIAAT

Maleruaqqusani ukunani isumasiuutit atorneqartut tassaapput isumasiuutit inatsimmi atuuutumi assingannik atorneqartut, tassalu inatsimmi matumanit taaguutinut ataasiakkaanit isumasiuutit pisinnaasamik aalajangersarneqarsimasut.

Eqqakkat immikkoortat ataasiakkaat nassuaataat malittarisassani allassimapput, tassanilu aaqqissuussinerit ataasiakkaat allaaserineqarlutik. Tassunga tunngatillugu isumasiuutit toqqakkat maleruaqqusanut ukununnga immikkut attuumassuteqartut allattorsimapput.

Eqqaavimmut aqqt	Eqqaavilerisut qamutaasa inissiffiisa eqqagassaasiviullu akornanni aqqt.
Inuussutissarsiortut eqqagaat	Pisortat namminersortullu suliffeqarfiinit, inunnik sullissivinniit umiarsualivinniillu eqqakkat.
Eqqagassalerisoq	Eqqagassalerisoq tassaavoq immikkoortitereqqittartoq, aserorterisartoq, naqitsartoq, panersiisartoq, agguisartoq, immikkoortitsisartoq, ingutserisartoq imaluunniit eqqagassanik poortueqqittartoq. Eqqakkanik passussinermut atatillugu eqqagassalerisup peqqinnissamut avatangiisinullu illorsorneqarsinnaasumik passussinissaq akisussaaffigaa.
Eqqakkat immikkoortiterneri	Eqqakkat immikkoortiterneq tassaavoq eqqakkat akornanni atortut immikkoortinnejqarsimasut assigiimmik katitikkat.
Eqqagassanik katersisartoq	Eqqakkanik katersisartoq eqqagassaqalersitsisartumiit ataatsimiit arlalinnilluunniit allat akiligassaannik eqqakkanik katersisarpooq, taakkulu eqqagassaleriviliaattarlugit. Katersinermut atatillugu eqqagassaqalersitsisartumiit eqqakkanik katersisartumut eqqakkanik immikkoortiterineq akisussaaffitinnejqalerpoq.
Eqqagassaqalersitsisartoq	Inuussutissarsiortut eqqagassaqalersitsinerannut tunngatillugu eqqagassaqalersitsisartut tassaapput: Suliffeqarfiit Inunnik sullissiveqarfiit Umiarsualiviit Eqqagassaqalersitsisoq tassaavoq inuk inatsisitigulluunniit inissisimasoq suliffeqarfimmut akisussaasoq, sulinermigut eqqagassanik pilersitsisuusooq. Sanaartornermut tunngasuni eqqagassaqalersitsisartoq sanatitsisuovoq imaluunniit, taanna sinnerlugu allakkatigut isumaqtigiiissuteqarnikkut akisussaaffimmik tigusisoq. Najugaqarfinni pisortat namminersortullu illuutileqatigiivi tassaapput eqqagassaqalersitsisartut taamalu sumiiffinni tamakkunani eqqagassat isumagineqarnissaannut akisussaasut. Umiarsualivinnit eqqakkanut tunngatillugu umiarsualiveqarnermut oqartussaasut suliffeqarfimmut akisussaatut eqqakkanik pilersitsisartuupput.
Eqqakkanik assartuisartoq	Allanit akilerneqarlutik eqqagassanik assartuisartut Eqqagaassanik assartuisartup eqqagassat eqqagassaqalersitsisumeersut eqqagassalerivimmut assartortarpai.

Innersuassisarnerit	Malittarisassat naapertorlugit aaqqissuussineq kommunip malittarisassaani aalajangersakkat malillugit eqqagassaqalersitsisartup eqqakkat passunneqarnissaat akisussaaffigaa.
Akiliutit nalinginnaasut (nunaqarfinni)	Kommunip nunaqarfii ni najugaqavissut eqqagassaleriner mi aningaasartuutinut matussutaasussamik tamarmik tunngaviusumik akiligassineqartarpuit.
Eqqagaasiiviit	Eeqqaavik qattaq, containereeraq, skarnkasse, puussiarsuarnut inaalitsivik, containeri uertittartoq, containeri ammasoq, assigisaallu eqqakkanik pilersitsisartup eqqakkanik katersinermini suliffiutimi silataani atortagaa.
Igitsisarneq	Suliaq sunaluunniit atoqqitassaanngitsoq.
Aggiussisarnermik aaqqissuussineq	Suliffeqarfik eqqagassaatiminik nammineerluni katersuisarfimmukkaassisappat taaneqartarpooq aatsisarnermik aaqqissuussineq. Katersuisarfimmiiuttut tassaasinnaapput containerit, qaara juttut "iglut", diamantit imaluunnit kuber qitiusumut inissinneqarsimasut.
Toqqaannartumik atoqqiineq	Igitat annerusumik suliareqqinnejqaristik atorneqaqqarnermissut atorneqarsinnaasut.
Akiliutit	Qaqortumi, Narsami Nanortalimmi lu inuussutissarsiortut eqqagassaqalersitsisut kommunip eqqagassaleriviinut eqqagassanik tunniussinerminni tunniussinermut akiliisassapput, kiisalu kommunip eqqagassanik katersisarneranut anartafilerineranullu aammalu slamtankinik imaarsisarneranut peqataanermi nnut akiliisassallutik. Nunaqarfinni inuussutissarsiortut eqqagassaqalersitsisut akinik tunngaviusunik akiliisassapput.
Eqqakkat atoqqinnejqarsinnaasut	Eqqakkat, atoqqitassanngortitassatut immikkoortiternissaat teknikkikku ajornaquteqannngitsut (tassunga ilanggullugit atoqqitassanngortinnissaannut nassiunneqarneri) aaqqissuussinerni, Kalaallit Nunaanni imaluunniit Danmarkimi/nunani allani pilersinneqarsimasut. Atoqqiisarneq suliassaavoq nutaanik atortussialiornermut allanullu tunngatillugu stoffit sinneruttut atoqqitassanngortittarnerinik.
Aallertarnermik aaqqissuussineq	Eqqakkanik assartuisartoq eqqagassaqalersitsisumit aalleraangat taaneqartarpooq aallertarnermik aaqqissuussineq.
Inoqutigiit	Inoqutigiit pineqartillugit tassaapput inissianik aamma illunik najugaqarfinnik piginnittut, attartortut atuisullu. Inoqutigiit tassaapput ataatsimoortut, najugaqaqtigiiifimmi/najukkami ataatsimi ilaqtariissutsimut tunngasut eqqarsaatiginagit inuit najugallit tamarmiusut.
Qanoq pineqarnera	Katersineq, angallassineq, tigusisarneq, passussineq, atoqqitassanngortitsineq eqqakkanillu igitsisarneq.
Katersinermi atortut	Eqqagassaasiviit angallassissutillu suulluunniit eqqakkanik katersuiner mi angallassinermilu atorneqartut.

Katersuisarnermik aaqqissuussineq	Maleruaqqusani aalajangersakkat naapertorlugit aaqqissuussinermi eqqagassaqalersitsisup eqqakkaminik kommunimut tunniussinera, eqqakkallu passunneqarnissaannut tamakkiisumik kommune akisussaatillugu.
Eqqagassanik immikkoortiterisarneq	Eqqakkat piliarineqarfianni immikkoortiterneqartut (eqqagassaqalersitsisumit imaluunniit tassumunga sapinggisamik qanittumit eqqakkallu tigooraavimmut apuunneqarnissaat sioqullugu) immikkoortunngorlugit katersukkanut assigiinngitsunut, assersuutigalugu savimerngit, pappit igalaamerngillu.
Tigooraavik	Tigooraavimmi eqqakkat inissinneqartut, ikuallanneqartut, passunneqartut aamma/imaluunniit nutaatut atoqqitassangorlugit suliarineqartut.
Inissiiviit	Sumiiffimmi eqqagassiiviit containerillu inissinneqarsimasut

§ 5 PISUSSAFFIIT PISINNAATITAAFFIILLU

§ 5.1 ATUISUSSAATITAANEQ

Eqqagassaqalersitsisartut tamarmik, qulaani nassuaatigineqartoq naapertorlugu, maleruaqqusanut ukununnga ilaatinneqarput, katersinissamullu aamma ilitsersuutitut aaqqissuussinerit maleruaqqusani aalajangersarneqarsimasut malinneqarnissaat pisussaaffigaat.

Eqqakkat maleruaqqusani allaaserineqannngitsut eqqarsaatigalugit eqqagassaqalersitsisut ataasiakkaat kommunalbestyrelsimit saaffiginnissuteqassapput, taakkulu eqqakkat iginneqarnissaannut erseqqissumik innersuussuteqassallutik. Taamatut pisoqartillugu eqqagassaqalersitsisut kommunalbestyrelsip innersuussutaanik malinnittussaatitaapput, eqqakkanillu suliarinninnissamut akisussaasuullutik, tamatumunnga ilanggullugu suuneri apeqquataillugit immikkoortiterisinhaaneq. Eqqagassaqalersitsisut aamma eqqakkat iginneqarnissaat allatulluunniit passunneqarnissaat nammineq aningaasartuitigissavaat. Eqqagassaqalersitsisup akisussaaffia atorunnaassaaq eqqakkat tigooraavimmut, eqqakkanik katersisartumut imaluunniit eqqakkanik passussisartumut akuerisamut tunniunneqareerpata.

Eqqagassaqalersitsisoq eqqakkat amerlassusaat imaluunniit suuneri apeqquataillugit kommunip tigooraaviani passunneqarnissaannut ajornartorsiutigineqartunik imaluunniit kommunip sulisuinut avatangiisnit ajornartorsiortsippata, kommunalbestyrelse eqqakkanik igitsinissamut periarfissamik allamik innersuussisussaatitaavoq. Taama pisoqartillugu eqqagassaqalersitsisut kommunalbestyrelsip innersuussutaanik malinnittussaatitaapput, eqqakkallu passunneqarnissaat namminneq akisussaaffigalugit, tamatumunnga ilanggullugu suussusii naapertorlugu immikkoortiterisisaat, katersinermi, iginneqarnerini allatulluunniit passunneqarnerini aningaasartuititai akisussaaffigalugit.

Eqqakkat asimi pilersinneqartut kommunip inoqarfisa ilaannut ingerlanneqassapput umiarsualivimmilu tigooraavinnut iginneqassallutik, § 6.1 naapertorlugu umiarsualivinni tigooraavinnut, imaluunniit kommunip eqqagassaleriviinut. Eqqakkat suliarineqassapput maleruaqqusani matumani aaqqissuussinerit pillugit allaaserisat naapertorligit.

Piumasarineqarpoq suliffeqarfiit aalajangersimasumik adresseqaratik kommunimi nunaqarfiiit ilaanniittut aammaluu kommunip nunaqarfisa ilaanni asimiluunniit eqqagassortuusut, kommunalbestyrelsimit nalunaarnissaminnik pisussaaffeqassasut eqqagassalerinermut akiliutit allallu akilersinniarneqartarnissaat siunertaralugu. Tassunga taarsiullugu suliffeqarfik kommunimut isumaqtigisiiteseqarluni eqqagassanik nunaqarfimmiit assartuisinnaavoq, eqqagassalerivinnilu akuerisaasuni allani eqqagassat suliaritissinnaallugit malittarisassat maleruaqqusani ukunaniittut napertorlugin. Eqqagassanik umiarsuakkoortitsisoqarpas kommunalbestyrelse tamatuminnga nalunaarfingineqassaaq.

Eqqakkanik silami ikuallaaneq inerteqquaavoq.

Kommunip eqqakkanik tigooraavianut tunniussinermi eqqakkanik tunniussisoq eqqakkat sumut misissorneqarnissaat eqqarsaatigalugu tamatigut kommunip illoqarfifi ingerlatsinermut sulisumut imaluunniit nunaqarfinni innuttaasunut sullissivimmun saaffiginnittassaaq. Ingerlatsinermut sulisup innersuussutai tamatigut malinneqartassapput.

§ 5.2 IMMIKKOORTITERISUSSAATITAANEQ

Eqqakkat immikkoortut sorliit katersuinermut innersuussinermullu aaqqissuussinernut ilaatinneqassanersut kommunalbestyrelsip allangersussavai. Eqqagassaqalersitsisartoq aaqqissuussinerni ataasiakkaani allassimasut naapertorlugit eqqakkanik immikkoortiterisussaataavoq. Eqqakkat immikkoortunut sorlernut iginneqassanersut nalornissutigineqarpat, suliamut tunngatillugu communalbestyrelse aalajangiissaq.

Eqqakkat immikkoortut maleruagassami matumani aaqqissuusinernut imaluunniit inatsimmut allamut nalequssaanermullu ilaatinneqannngitsut suussusilernissaat erseqqissumillu innersuussissutigineqarnisaat eqqarsaatigalugu communalbestyrelsimum nalunaarutigineqassapput. Eqqakkat qanoq passunneqassanersut iginneqassanersullu, communalbestyrelsip aalajangissavaa.

Eqqakkat ulorianartut pineqarpata Oliakumik kemikalianillu eqqakkat pillugit Namminersornerullutik Oqartussat nalunaarutaannut ilaatinneqannngitsut aammalu eqqakkat nalunaarummi ilangussaq 1-im 2-milu taaneqartunut nallersuunneqarsinnaasunik aqoqarneri pasitsanneqarpata, communalbestyrelsip Avatangiisinut Pinngortitamullu Naalakkersuisoqarfik attaveqarfingissavaa.

§ 5.3 AKILIISUSSAATITAANEQ

Eqqagassaqalersitsartut tamarmik kommunip eqqagassalerinerani aningaasartuutinut tamanut akiliisussaataappa.

Eqqagassalerinermut akit kommunip akigitinneqartartut nalunaarsuiffiani atuuttumi takuneqarsinnaapput. Kommunip akigitinneqartartunut nalunaarsuiffia kommunip nittartagaani pissarsiarineqarsinnaavoq imaluunniit Sullissivimmun kiisalu Teknikkumut Avatangiisinullu Ingerlatsivimmun saaffiginninnikkut pissarsiarineqarsinnaalluni.

Eqqagassaqalersitsisup immikkoortiterisussaataaneq malinngippagu akit allattorsimaffiat atuuttoq naapertorlugu eqqakkanik pilersitsisoq kukkusumik immikkoortiterisimanermut akiliutissamik akiliisussaataavoq.

Eqqagassanik kukkusumik immikkoortitsikkanik kommunip tigooraavianut tunniussisoqarpat eqqagassanik angallassisoq kukkusumik immikkoortiterinermut akiligassinneqassaaq. Akiliut eqqagassaqalersitsisumut ingerlateeqqinnissaanik angallassisoq pisussaavoq.

§ 5.4 ILISIMATISSUSSAATITAANEQ

Eqqagassaqalersitsisut communalbestyrelsip peqqusineratigut maleruagassani matumani malittarisassat naapertorlugit eqqagassat iginneqarnerinik uppernarsaasussaataappa.

Eqqakkat katitigaaneri amerlasusiilu pillugit eqqagassaqalersitsisup paasissutissanik tamanik tunniussinissaanik communalbestyrelse piumasaqarsinnaatitaavoq, aammalu eqqakkanik passussinermi igitsinermilu avatangiisinut sunniutissai pillugit eqqagassaqalersitsisartup misissuinissaanik peqqussallugu.

Eqqakkanik katersisartut eqqakkanillu assartuisartut namminersortut eqqagassaqalersitsisartut kikkut igitsissuttarneraat pillugu tassunga ilangullugu igitsinerit qanoq akuliksiginerinik, eqqakkat qanoq amerlatiginerinik suunerinillu aammalu katitigaanerinik communalbestyrelse paasissutissanik piumasaqarsinnaatitaavoq.

§ 5.5 NALUNAARUTIGINNITTUSSAATITAANEQ

Eqqagassaqalersitsisartut tamarmik eqqakkat mingutsitsinermik kinguneqartitsisimappata nalunaaruteqartussaatitaapput.

Nalunaarutiginninneq Teknikkimut Avatangiisinullu Ingerlatsivimmun tunniunneqassaaq.

Eqqakkat navianartut eqqakkallu sanaartornermit pilersinneqartut nalunaarutiginissaannut imaattunik malittarisassaqarpoq:

Eqqakkat navianartut

Eqqagassat avatangiisinut ulorianaatillit qanorluunniit annikitsigaluarpata suliffeqarfuit eqqagassaqalersitsisartut tamarmik eqqakkat avatangiisinut navianartut kommunalbestyrelsismut kalerriutigissallugit pisussaatitaapput.

Suliffeqarfik eqqagassaqalersitsisoq pilersinneqarpat, tamatumalu kingorna eqqakkat navianaatillit annertuoususaat suussiilu annertuumik allanguuteqarpata kaleriineq pissaaq.

Kommunalbestyrelsip ilisimassavaa:

- Igitassat avatangiisinut navianartut sorliit pineqarnersut
- Ukiut annertussuseq
- Eqqagassat qanoq poortorneqarsimanersut
- Akoorneqarneri aamma piginnaasaat, ass. toqnartuunersoq, neriusartuunersoq il. il.

Paassisutissat taakku kommunalbestyrelsip pissarsiarissavai, peqqutigalugu kommunimi igitassat avatangiisnut navianartut pillugit aaqqiissutissiinissaq akisussaaffigimmagu, taamatullu igitassat avatangiisnut navianartut kommunimi pilersinneqartut passunnissaannut periarfissaqarneq qulakkiissallugu.

Kommunip avataani eqqakkanik navianartunik eqqussineq kingusinnerpaamik sapaatip akunneri arfineq-pingasut qaangiutsinnagit nalunaarutigineqassaaq, tassalu eqqussinissap pilersaarutaasup pinnginnerani. Nalunaaruteqarnermi eqqakkat suut, poortuutit suut ukiumullu amerlassutsit naatsorsutigisamik qassiuneri nalunaarutigineqassapput. Tamanna pereerpat kommune igitsinissamut periarfissamik innersuussissaaq.

Sanaartornermit eqqagassat

Illuiornermit eqqagassat, nutaamik illuiornermut, allangortitsinermut nutarterinermut isaterinermullu tunngasut Teknikkimut Avatangiisinullu Ingerlatsivimmun nalunaarutigineqassapput eqqakkat amerlassusi sapaatip akunneranuut 50 m³ qaangerpagu. Aammattaaq, suliami ataatsimi sanaartorneq tamakkerlugu, qanorluunniit sapaatip akunneranuut eqqakkat pilersinneqartut amerlatigaluarpata, eqqakkat ataatsimut katillugit 100 m³ qaangerpatigit nalunaaruteqartoqassaaq. Sanaartukkanit eqqakkanik nalunaaruteqarneq immersugassatut atugassiap immersorneratigut nalunaaruteqarneq pissaaq. Immersugassaaq kommunip nittartagaanit aaneqarsinnaavoq imaluunnit teknikkeqarfimmut pissarsiariniarneqarsinnaalluni.

§ 5.6 EQQAAVIMMUT AQQUTIT QANOQ ISSUSII

Eqqakkat kommunip aallertarnermik aaqqissuussinera aqqutigalugu aallertarnermut tunngatillugu ukioq naallugu eqqakkanik aallertussap aallernerani aaneqartussat tigujuminarnissaat, ersiinnartumiinnissaat eqqaavimmullu aqqutit tikikkuminartuunissaat eqqagasarersitsisup pisussaaffigaa.

Eqqaaviisiviit aqquserngup eqqaanut inissinneqassasut kommunalbestyrelsip piumasarisinnaavaa aammalu aqqusinermit aqquteeqqamilluunniit eqqaaviisiviit inissisimanerisa ungasinnerpaaffissaat aalajangersarsinnaallugu.

Suliffeqarfik aqqsinerit nalinginnaasunit avinngarusimappat qamutinik motorilinnik aqqut usisaassuarnit aqqutigineqarsinnaassaaq aammal 350 cm-inik silissuseqarluni 400 cm-inillu portussuseqarluni aporfissaqassanani.

Eqqagassaasiviup akornuteqanngitsumik tикинneqarsinnaanera eqqagassaqalersitsisup akisussaaffigaa. Eqqagassaasivimmut aqqut taassumalu eqqaa torersarsimassapput ukiukkullu aputeqaratillu sermeqassanatik. Puussiat eqqagaasiviiliu qerrutinnginnissaat allatulluunniit peeruminaallinnginnissaat illumik piginnittup akisussaaffigaa.

Illut nutaat atorneqalereranni, imaluunniit eqqagassaassivinnik nutaanik ikkussisoqarsimatillugu eqqagassaasiviit tummeqatigooqqaarnani tикинneqarsinnaanngorlugit inissinneqassapput.

Suliffeqarfinnissaaq eqqagassaasivinnik inissiinermi piumasaqaatit makku malinnejqassapput:

- Inoqtigijit ataasiinaanngitsumik eqqagassasiveqarpata taakku ataatsimuussapput.
- Eqqaavinnut aqqut minnerpaamik 90 cm-inik silissuseqassaaq 220 cm-iterillu portussuseqassalluni.
- Eqqagassiivimmut aqqutaa qaammaqquteqarluassaaq. Tassa eqqaavilerisoq sumiissusersiorsinnaassaaq, inuit suullu nalinginnaat takusinnaassallugit aammal maniinersat kiisalu eqqagassaasiviup toqqammaavia malugisinnaassallugit.
- Matut, ungallut matui isaarissallu namminneerlutik ammarsinnaassapput.
- Eqqagassiivimmut aqqut inioqqavinnit, biilinit uninngasunit sikkilinit allanilu asserneqassanngilaq.
- Eqqakkanik aallarnerup nalaani eqqagassiivimmut aqqut qimmeqassanngilaq.

Eqqagassiiviit ima inissinneqassapput inissiani inuussutissarsiuteqarfinnilu qanittumiittuni tipilorermik akornuserneqannginngissaat qulakkeerneqassalluni.

§ 5.7 EQQAKKAT TOQQORTARINEQARTARNERAT

Eqqagassaqalersitsisup qulakkiissavaa, suliffeqarfimmi, inunnik isumaginnitoqarfimmi imaluunniit umiarsualivimmi eqqagassat immikkoortut pilersinneqartut tamaasa katersuiveqartinneqarnissaat.

Eqqagassiiviit eqqakkanut naatsorsuussanut eqqakkat suunerinik erseqqissumik nalunaaqutserneqassapput. Pisariaqartumik imaarsinissatut nalunaarutigineqarsimasut naleqqersuullugit eqqagassiiviit naammattut tamatigut pigineqarnissaat aammal imaarsinerit marluk akornanni eqqagassiiviit ulikkaartuunnginnissaat qulakkeerneqassaaq.

Eqqagassaqalersitsisup pisussaaffigaa eqqagassat uninngatinneqarnerini akoorisqannginnissaai imaluunniit eqqakkat pitsaassusiisa ajorseriaateqannginnissat, taamaalluni kinguneratigut sularineqarnerat pisariaqanngitsumik ajornakusoortinneqannginniassamat.

Eqqakkat isumannaatsumik toqqortarineqassapput, taamaasilluni mingutsitsineq eqqiluisaannginnerlu pinaveersaartinneqassammata. Eqqagassat teqqannginnissaat aammal uumasunit ajoquatasunit, qimminit, qitsunniit, timmissanit allanillu katersuuffigineqalinnginnissaat eqqagassaqalersitsisup qularnaassallugu pisussaaffigaa.

Eqqagassaqalersitsisup eqqagassiiviit akuttunngitsumik eqqiertartussaavai, taamaasilluni eqqakkat kingusinnerusukkut assartorneqarneranni tipiliorfiussanngimmat.

Eqqakkanik ulorianartunik toqqortarininnerup nalaani mingutsitsisoqalissagaluarpat tamanna erngerlugu teknikkeqarfimmut nalunaarutigineqassaaq.

Eqqakkat mingutsitsinissamut, eqqiluisaannginnermut allatulluunniit akornutaalernissaannut aarlerinaateqarpata eqqakkat uninngatinneqartut iginneqassanersut kommunalbestyrelsip aalajangersinnaavaa.

Kommunalbestyrelsip aalajangissavaa Avatangiisit illersorneqarnissaat pillugu Inatsisartut inatsisaat nr. 9, 22. novembari 2011-meersumi § 36 naapertorlugu suut eqqakkatut isigineqassanersut isigineqassannginnersulluunniit.

§ 5.8 SALIGAATSUUTITSINEQ

Eqqagassanik sunilluunniit sumiiffinnut inuit nammieq pigisaannut imaluunniit kikkulluunniit tikittagaannut igitsisoqassangilaq.

Illuutillit pisussaapput illumik avasinnerpaaffianiit avammut 25 meterit iluanni imaluunniit sanilerisamut ungasissusiata affaanut ungasissusillup iluani akuttunngitsumik salisarnissaminut. Illut pinnguartarfittaqpata assigisaannilluunniit sanaartorfiusimappata taakku salinneqartarnissaat aamma piginnitup pisussaaffigaa.

Umiarsualivinnut oqartussat umiarsualiviup saligaatsuutinnissaat akisussaaffigaa.

Pisiniarfinni, kioskini assigisaannilu imeruersaatinik nerisassanillu tuniniaaffiusuni, eqqagassaqlersitsisup pisussaaffigaa pisariaqartitsineq naapertorlugu imaartagassanik eqqagaasivinnik inissiinissani, matusinermullu atatillugu pisiniarfimmi pisianik pisiniarfiup eqqaanut igitsisoqarsimappat saliinissaq suliffeqarfiup piginnituata pisussaaffigaa.

Suliffiutilik, inunnik sullisivik aamma umiarsialivimiut igitaqarsimappata eqqakkat peerneqarnissaat kommunalbestyrelsip peqqussutigisinnaavaa.

Ukiut tamaasa aputaareernerani kommunimi inoqarfinni tamani innuttaasut najukkamik silataanni aamma pisortatigoortumik kommunalbestyrelse saliisitsisarpoq. Saliineq tusagassiutitigut saqqummiunneqartarpoq. Saliinissamik nalunaaruteqartoqartillugu illumik piginnittut tamarmik illumik eqqaanni saliinissamut pisussaaffeqarput. Maleruaqqusani ukunani malittarisassat naapertorlugit eqqakkat katersorneqartut kommunip eqqagassalerifianut iginneqassapput.

§ 5.9 EQQAGASSANIK ASSARTUINEQ

Peqqinnissaq avatangiisillu eqqarsaatigalugit eqqakkanik toqqortarininnineq angallassinerlu illersorneqarsinnaasumik, maleruaqgassanilu malittarisassat naapertorlugit isumagineqarnissaat eqqakkanik angallassisartut qulakteertussaavaat.

Biilit angissusaat, eqqakkanik angallassisut, eqqakkat annertussussaannut suunerinullu naleqquttuussapput. Aamma ima usilersorneqassapput eqqakkat nikissinnaajunnaarlugit imaluunniit angallanneqarnerini nakkaasinnaajunnaarlugit.

Eqqakkat tinginnaveerlugit eqqakkallu katersornerini angallannerinilu imerpasut aqqusinermut kusersinnaajunnaarlugit uninngatitsivinnik biilinillu angallanneqassapput. Angallassinermi eqqakkat siammaannariaanngitsut imerpasulluunniit mingutsitsissagaluarpata eqqakkanik angallassisartoq / katersuisartoq ingerlaannaq katersisussaallnilu aamma/imaluunniit saliussaatitaavoq, aammalu mingutsitsineq pillugu teknikkeqarfimmot nalunaaruteqartussaatitaalluni.

Eqqakkanik angallassisartut katersisartullu eqqortumik uppernarsaateqarnermikkut kommunimi nakkutilliisut eqqakkanik angallassisup eqqakkanik passussineranik, tamatumunnga ilangullugit atortut, katersinerup akulikissusianik, imarisaaanik eqqakkallu suminngaanneerfiinik, nalunaarsorneqarnerinik il.il. misissuisitsisussaatitaapput.

§ 6 IMMIKKUT AAQQISSUUSINERIT

§ 6.1 UMIARSUALIVINNI EQQAGASSANIK TIGOORAASARNEQ

Maleruaqqusat uku naapertorlugit umiarsualivit umiarsuarnit eqqakkanut tigooraavinnik pilersitsisussaatitaapput. Tigooraavinnik pilersitsisoqartussaavoq, taamaasillutik eqqakkat umiarsualivimmi suuneri apeqquataillugit immikkoortiterneqarniassammata, kingusinnerusukkut kommunip aaqqissuussinerinut, maleruaqqusami matumani allaaserisatut iginneqarniassammata.

Umiarsualivimmi tigooraavimmit kommunip tigooraaviinut eqqakkanik igitsinermut atatillugu umiarsualivik tassaavoq eqqagassaqalersitsisoq, taamaasillunilu maleruaqqusani matumani najoqqtassanik malinnittussaatitaasoq.

§ 6.2 INEQARFIIT EQQAANNI EQQAGASSANIK TIGOORAANERMIK AAQQISSUUSSINEQ

Maleruaqqusani ukunani najoqqtassat naapertorlugit inissiaatileqatigiiffiup illuutaasa eqqaanni eqqagassanik tigooraaviliornissamat inissiaatileqatigiit pisussaaffeqarput. Tigooraavinnik pilersitsisoqartussaavoq, taamaasillutik eqqakkat inissiaatileqatigiit najugaqarfiutaanni suuneri apeqquataillugit immikkoortiterneqarniassammata, kingusinnerusukkullu kommunip aaqqissuussinerinut maleruaqqusami matumani allaaserisatut iginneqarniassammata.

Tigooraaanermut aaqqissuussinermi ineqarfinni kommunip tigooraaviinut eqqakkanik igitsinermut atatillugu inissiaatileqatigiiffik tassaavoq eqqagassaqalersitsisuusoq, taamaasillunilu ileqqoreqqusani matumani malittarisassanik malinnittussaatitaasoq.

§ 6.3 MISISSIONEQ QISSAARNERMIT AATSITASSARSIORNERMILLU EQQAGASSAT PILLUGIT MALITTARISASSAT IMMIKKUT ITTUT

Sanaartorfiit suliffeqarfiillu eqqagassaatiminik igitassanngorlugit, atooqtitassanngorlugit imaluunniit allatut pisassanngorlugit imaatigut assartuisartut umiarsuarnit eqqagassanik tigooraasarnermut aaqqissuussineq § 6.1-imni nassuarneqartoq atussavaat.

§ 7 NAKKUTILLIINEQ AQUTSINERLU

Eqqakkat inatsisit atuuttut aammalu maleruaqqusani ukunani aalajangersakkat naapertorlugit passunneqarnissaannik, toqqortarineqarnissaannik iginneqartarnissaannillu aqutseqqullugu nakkutilleeqqullugulu Teknikkimut Avatangiisinullu Ingerlatsivik communalbestyrelsimiit pisinnaatinneqarpoq.

Avatangiisit illorsorneqarnissaannik Inatsisartut inatsisaat nr. 9, 22. november 2011-imeersoq najoqqtaralugu maleruaqqusanut tunngatillugu communalbestyrelse pissutsinut atuuttunut peqqusisinnavaoq inerteqquteqartitsisinnallunilu, aamma kap. 12 aamma 13, Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq, kap. 7, aamma Oliakunit akutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq, kap. 6.

Peqqussut imaluunniit inerteqqut piffissaliunneqartup iluani malinneqannngippat akisussaasup akiligaanik suliassaq communalbestyrelsip sularitissinnaavaa. Mingutsitsineq taassumaluunniit siamarnerunissaap pinngitsoortikkumallugu erngerluni iliuuseqarnissaq pisariaqarpal communalbestyrelse peqquseqqaangikkaluarluni aammalu akisussaasumut akiligassiilluni iliuuseqarsinnaatitaavoq, tak.

Avatangiisit illersorneqarnissaannik Inatsisartut inatsisaanni nr. 9, 22. november 2011-emeersumi § 51. Tamanna pinasuartumik iliuuseqarneq allakkatigut aalajangiinermik tamatigut malitseqartassaaq.

Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersumi § 47 naapertorlugu eqqagassaqalersitsartut kommunip nakkutilliisuunik eqqortumik uppernarsaatilinnik iseqqusisinnatitaapput.

§ 8 AKILIUTEQARTITSINEQ

Eqqagassaqalersitsartut tamarmik kommunip eqqagassalerinerani aningaasartuutinut tamanut matussutissanik akiligassiissutinik akiliisarnissartik pisussaaffigaat.

Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersoq § 39 naapertorlugu communalbestyrelse akiliutigittagassanik aalajangersaasarpooq. Akiliutigitittakkat qanoq amerlatiginissaat ukiumut ataasiarlutik akuersissutigineqartassapput. Akiliutigittagassat amerlassusissaat akuersissutigineqareerpata communalbestyrelsip akit najukkami nalunaarutigissavaa.

Eqqagassalerinermut akit kommunimi akigititat nalunaarsuiffianniippuit. Kommunip sullissinerinut akiliutit qaqgukkulluunniit atuuttut kommunip nittartagaanit aaneqarsinnaapput imaluunniit Teknikkeqarfimmit Sullissivimmulluunniit saaffiginninnikkut pissarsiarineqarsinnaallutik.

Aaqqissuussinerit immikkuullarissut saniatigut, soorlu eqqakkanik katersinermi akiliutigitittakkanut tunngatillugu communalbestyrelse kommunip pilersaarusrionneranut, allaffissorneranut maleruaqqusaliorneranut allanullu matussutissanik akiliuteqartitsiniarluni aalajangersaasinnaavoq.

Eqqagassaqalersitsartut maleruaqqusanut ukununnga ilaatinneqartut kommunimit eqqakkanut akiliutigitittakkanik aalajangersaanermi sunniuteqarsinnaasunik allanguutinik kommunimut nalunaaruteqartassapput. Assersuutigalugu tassaasinnaapput suliffeqarfimmit, sulisoqarfimmit imaluunniit umiarsualivimmit eqqakkat amerlassusiat aammalu eqqakkat suunerinut tunngasut annertuumik allanguuteqarsimanerat.

Assersuutigalugu eqqagassalerinermut ilaasutut nalunaarsimasunut qaammatit pingasukkaarlugit akiligassiisoqartapoq.

Iloqarfinni kommunip eqqakkanik tiqooqqaaviinut tunniussisarnermi qaammatikkaartumik akiliuteqartoqartapoq.

Kukkusumik eqqakkanik immikkoortiterisimanermut akiliut

Eqqunngitsumik immikkoortiterneqarsimanera paasineqarpat akigititat allattorsimaffiat malillugu eqqunngitsumik immikkoortiterinermut akiligassiisoqassaaq.

Eqqagassaqalersitsisut nunaqarfinneersut imaluunnit suliffeqarfiiit avataaneersut aalajangersimasumik najugaqarfeqanngitsut

Piumasarineqarpoq suliffeqarfiiit aalajangersimasumik najugaqarfeqaristik kommunimi nunaqarfiiit ilaanniittut, taamatuttaaq suliffeqarfiiit nunanit allaneersut Kommune Kujallermi eqqagassaqalersitsisut eqqaanermut akiligassinneqarnissaat siunertaralugu communalbestyrelsimum nalunaarnissaminnik pisussaaffeqarput. Akiliutip annertussusia kommunip eqqagassalerinermut aningaasartuutai naapertorlugit aalajangersarneqassaaq.

Pingaartumik illoqarfinni inuussutissarsiortunut tunngatillugu

Inuussutissarsiortut Qaqortumi, Narsami Nanortalimmilu kommunip eqqagassanik tigooraaviinut tunniussigaangata tunniussinermi akiliuteqartitsisoqartapoq. Akiliutissaq eqqagassanik assartuisumut / katersuisumut eqqagassanik tunniussisumut akiligassiissutigineqartapoq. Eqqagassanik kukkusumik immikkoortsikanik kommunip tigooraavianut tunniussisoqarpat eqqagassanik angallassisoq kukkusumik immikkoortiterinermut akiligassinneqassaaq. Akiliutip eqqagassaqalersitsisumut ingerlateqqinnissaanik angallassisoq pisussaavooq.

Pingaartumik nunaqarfanni inuussutissarsiortunut tunngatillugu

Kommunip nunaqarfanni eqqagassaqlersitsisartut najugaqavissut tunngaviusumik pinngitsooratik akiligassaannik communalbestyrelse aalajangersagaqarpoq. Kommunip nunaqarfanni suliffeqarfii, inunnik sullissivit umiarsualiviillu eqqagassanik kommunip eqqakkanik tigooraaviinut / atoqqiiviinut toqqaannartumik igitsisarnerannut kommunip aningaasartuutai tunngaviusumik akiligassiissutip matussusertarpai.

Suliffeqarfii qitiusumik nalunaarsorneqarfiat (Det Centrale Virksomhedsregister (CVR) Virk Data) tunngavigalugu suliffeqarfii nalunaarsorneqarsimasut tunngaviusumik akiliummik akiligassinneqassapput, imaluunniit suliffeqarfii sorliit saniatigut communalbestyrelsip nunaqarfanni ingerlanneqartut nalunaarsorsimasai aallaavigalugit.

Suliffeqarfii nunaqarfii arlaanni aalajangersimasumik angerlarsimaffeqartut taamaattorli illoqarfanni kommunip eqqakkanik tigooraaviinut eqqakkanik igitsiartortartut, akigitinneqartut allattorsimaffiat najoqqutaralugu illoqarfanni inuussutissarsiortut akilutaannik akiliummik akiliisussaatitaapput.

§ 8.1 SULIFFEQARFIIT NUNANIT ALLANEERSUT NALUNAARSORNEQARTARNERAT

Piumasarineqarpoq suliffeqarfii nunanit allaneersut, Kalaallit Nunaanni aalajangersimasumik najugaqarfeqanngitsut Kommune Kujallermi eqqagagassalersitsunik suliaqartut eqqagassalerinermut akiliutit allallu akilersinniarneqartarnissaat siunertaralugu communalbestyrelsimum nalunaarnissaminnik pisussaaffeqassasut.

§ 9 IMMIKKUT AKUERSISSUTIT

Uuliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 10 innersuussutigalugu Namminersorlutik Oqartussat immikkut ittumik pisoqartillugu qinnuteqaateqarnikkut suliffeqarfii uuliakunik akuutissanillu eqqagassanik tunniussisussaatitaanerat pisussajunnaartitsisinaapput.

§ 10 SAAFFIGINNINNEQ NAAMMAGITTAALLIORNERLU

Maleruaqqusani aalajangersakkat taakkulu atortinneqarneri pillugit saaffiginnissutit naammagittaalliutillu communalbestyrelsimum suliami aalajangiisussaatitaasumut ingerlatinneqassapput.

Kommunalbestyrelsip aalajangiineri naammagittaalliutigineqarsinnaapput uunga: Avatangiisit pillugit Naammagittaalliuteqartarfik c/o Siunnersuisoqatigiinnut Aalajangiisartunullu Aqutsisoqarfik, Postboks 689, 3900 Nuuk. Kommunalbestyrelsip aalajangernerminik naammagittaalliuteqartumut ullormi nalunauteqarfianiit naammagittaalliuteqarnissamut sapaatip akunneri arfinillit piffissaritinneqarput.

§ 11 UNIOQQUTITSINEQ KINGUNEQARTITSINERLU

Maleruaqqusani ukunani malittarisassanik unioqqutitsineq imaluunniit maleruagassat uku pillugit peqqusinernik inerteqquteqarnermilluunniit unioqqutitsineq akiligassiissuteqarnermik kinguneqartitsissutigineqassaaq, Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersumi § 25, nr. 3, aamma Uuliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 18, nr. 3 kiisalu Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 66, imm. 1 nr., nr. 4 naapertorlugit.

§ 12 PIGINNAATITSINEQ

Kommunalbestyrelsip Teknikkimut Avatangiisinullu Ingerlatsivik makkununnga piginnaatippaa:

- maleruaqqusat uku naapertorlugit oqartussaasut aalajangiinissaat
- eqqagassalerineq pillugu aaqqissuussinerit ingerlanneqarnissaat qularnaarniarlugu pisarialinnik isumaqtigiissusiornissaq
- Maleruaqqusani malittarisassanut tunngatillugu unnerluffissaliornissaq aamma ingerlariaatsinik najoqquṭassanillu suliaqarnissaq

§ 13 ATORTUULERSITSINEQ

Maleruaqqoreqqusat uku atuutilerput XX-XX-XXXX.

Maleruaqqusat uku atortuulersinnejnarerat ilutigalugu makku atorunnaarsinneqarput :

1) Inuussutissarsiortunit eqqagassat pillugit maleruaqqusat, Kommune Kujalleq 2020

Kommune Kujallermi kommunalbestyrelsimit akuerineqartut ulloq XX-XX-XXXX

Kista P. Isaksen
Borgmesteri

Dorthe Bidstrup
Pisortaanerugallartoq

§ 14 EQQAGASSAT ULLUINNARNI EQQAGASSANUT ASSINGUSUT

§ 14.1 EQQAGASSAT ULLUINNARNI EQQAGASSANUT ASSINGUSUT SUUPPAT?

Eqqagassat ulluinnarni eqqagassanut assingusut suussutsimikkut assigiinngitsukkuutaarnermikkullu inuit namminneq angerlarsimaffiini eqqagassanut assingusuupput. Assersuutigalugu tassaapput kantiinanit, sulisoqarfinit neriniartarfinit, nerisitsivinnillu assingusunit nerisakut, aammalu eqqakkat asiujasut allat, eqqiluisaarnermik ajornartorsiortsisinhaasut. Eqqakkat eqqakkanut assingusut tassaapput:

- piniarnermi pisat igitassartaat
- sanngit
- eqqiluisaarnermit igitat soorlu nangit pappiaqqat
- Igaffimmit igitassat
- nerisakut
- poortutissat annikinnerit soorlu juicep aamma immuit puukui aammalu pappiaqqat/qeratasuullu ipertuut

§ 14.2 AAQQISSUUSSAQ KIKKUNNUT ATUUPPA?

Kommunimi illoqarfinni nunaqarfinnilu suliffeqarfinnut, inunnik sullissivinnut umiarsualivinnut tamanut.

Suliffeqarfiiit nerisassanik asiujasunillu allanik igitassaateqarneq ajortut, assersuutigalugu kantiinat, sullissiveqarfiiit, neriniartarfiiit allallu, eqqiluisaarnikkut ajornartorsiotsisinhaasut Kommune Kujallermut tamanna uppernarsinnaagunikku eqqagassanut ikuallagassaqqissunut ilanngullugit igitsinissamut akuersisummiik pissarsisinnaapput. Teknikkimut Avatangiisinnullu Ingerlatsivik attavigalugu akuersisummiik pissarsisoqarsinnaavoq.

§ 14.3 AAQQISSUUSSINERMUT NASSUIAAT

Katersinissamik aaqqissuussineq aaqqissuussineruvoq aallernermik aaqqissuussinerusoq, matumani inuussutissarsiortuni ataasiakkaani eqqagassat nalinginnaasut katersorneqartarmata.

Sumiiffiit ilaannit kommunimi sulisut katersisarput, allanili eqqakkanik katersisartut namminersorlutik suliffiutillit katersisarlutik.

Inissiaatileqatigiiffiit eqqaavinnut inaalitsivinnik, eqqakkanut sullukkoortitsivinnik, containerinik ataatsimoorussanik assigisaannilluunniit inissiaatileqatigiiffiup illuutaani inoqutigiinnut ataasiakkaanut peqartitsisussaataitaapput kiisalu eqqagassalerinermik aaqqissuussamut nalunaartussaallutik. Eqqagassat passunneqarnerannut, toqqortarineqarnerannut iginneqartanerannullu malittarisassat najugaqarfinni malinneqarnissaat inissiaatileqatigiiffiup qularnaassallugu pisussaaffigaa. Inoqutigiit ataasiakkaat inissiaatileqatigiit eqqagassalerinermut aaqqissuussunerit toqqagaat atussallugit pisussaatitaapput, eqqagassat pilervii aallaavigalugit immikkoortiterisarneq pillugu malittarisassat atuuttut equutsinnissaat pisussaafagalugu, tassa *Angerlarsimaffinni eqqagassalerineq pillugu maleruaqqusat najoqqutarlugit*.

§ 14.4 EQQAAVIISIVIIT

Suliffeqarfiiit, inunnik sullissivit umiarsualiviillu namminneq akilikaminik eqqagassanut ulluinnarni eqqagassangortartunut assingusunut naammattunik eqqaaviissiveqarnissaq taakkuninngalu aserfallatsaaliinissaq pisussaaffigaat.

Eqqaaviisiviit imatut ilusilersugaassapput imalu pitsaatigissallutik imarisaat uumasunit akornutaasinnaasunit, qimminit tulukkanillu serlersaarfigineqarsinnaassanatik.

Eqqaaviisiviup qanoq ittuussusia illoqarfimmi Teknikkeqarfimmit akuerineqarsimasussaavoq. Kommunalbestyrelsip eqqaaviisivimmik ataatsimik arlalinnilluunniit aalajangersimasunik atuisoqarnissaq peqqussutigisinnavaavaa.

Eqqaaviisiviit puussiarsualertakkat atorneqarpata kommunip tunniussai imaluunniit akuerisai kisimik atorneqassapput.

Eeqagassaqalersitsisup eqqaaviisiviit naleqquttumik imaqtarsinnaassusaat aammalu eqqaaviisivinnik imaarsinerit marluk akornanni ulikkaarpallaannginnissaat qulakkiissallugu pisussaaffigaa. Eqqaaviisiviit arlaleriarlutik ulikkaarpallaarneqartarpata eqqaaviisiviit amerlineqarnissaat nalunaarutigeqqullugu kommunip eqqagassaqalersitsisoq peqqusinnaavaa.

§ 14.5 EQQAAVIISIVINNIK INISSIINEQ

Eqqaaviisiviit ersiinnartumi eqqaavilerisumullu ukioq naallugu imaarsinermut tunngatillugu eqqaaviisivimmur aqqutip tikkkuminartunissa qulakkeerlugu inissinneqassapput. Aamma eqqaavilerisup imaarsiniarnermini peqqissutsikkut isumannaallisaanikkullu illorsorneqarsinnaanissa inissiinermi qularnaarneqassaaq.

Allakkut takussagukku § 5.6 EQQAAVIISIVIMMUT AQQUT/TIKIKKUMINARSAANEQ

§ 14.6 EQQAAVIISIVIIT ATORNEQARNERAT IMMERNEQARTARNERALLU

Marlunnik aallernerit akornanni eqqaaviisiviit ulikkaannginnissaat aammalu eqqaaviisivimmi eqqakkat kiggigutinnginnissaat eqqagassaqalersitsisup qulakkiissallugu pisussaaffigaa. Eqqaaviisiviit matui matulluarsinnaassapput silaannaq, imeq, sermeq, qaarsoq issorlu mingutsinneqartussajunnaarlugit, aammalu uumasunit serlersaarfigineqarsinnaajunnaarlugit. Eqqaaviisiviit arlaleriarlutik ulikkaarpallaarneqartarpata kommune sioqquilluni kalerreereernikkut eqqaaviisiviit amerlineqarnissaannik peqqussuteqarsinnaavoq. Inissiaqfinni eqqagassalerinermi inissiaatileqatigiiffik tamatumunnga akisussaavoq.

Eeqagassiiviit ulikkaarpallaarsimappata eqagassalerisup imaanngiinnarsinnaavaa.

Eeqagassiiviit § 14.1-imi nassuaatigineqartut naapertorlugit eqqakkanik taamaallaat immerneqassapput. Eqqaaviisivik eqqakkat immikkoortiteriikkat saniatigut allanik immerneqarsimappat Teknikkimut Avatangiisinullu Ingerlatsiviup eqqagassanik pilersitsisoq saaffigissavaa immikkoortiterisussaatitaanermi malittarisassat atuuttut maleqqullugit. Kukkusumik immikkoortiterisoqaannavippat suliamut tunngatillugu communalbestyrelse naalakkiuteqarsinnaavoq, maleruaqqusani matumanı § 12 Unioqquqitsinermi kinguneqartitsinermilu maleruaqqusat innersuussutigalugit.

Eeqagassalerisup inoqutigiit communalbestyrelsili eqqagassat ilanngunneqarsimannginnerinik peqqutaasoq ilisimatitsissutigisimappagu eqqakkat kukkusumik immikkoortitikkat tigunissaannut eqqagassalerisoq pisussaanngilaq.

Paaq, arsakut ikumanerlukullu eqqaaviisivimmur inissinneqartigatik nillorluinnarsimassapput poortorneqarsimassallutilu.

Igitassat ipittut, inngigissut, kiisalu eqqakkat pujoralattut, isugutattut mingutuullu eqqaavimmut inissinneqannginneranni isumannaatsumik poorneqarsimassapput, taamaalilluni inunnik pussiarsuarmilluunniit ajoqsiisinnasaassanatik.

Eqqakkat masattut isumannaatsumik poorneqarsimassapput, taamaaliornikkut imerpelasup seerisup eqqakkat eqqaaviisivimmur qerrutinnginniassammata, tamaalillunilu aallerneq pinngitsoortillugu.

Puussiarsuarnut inaalitsiviit atorneqarpata, taakku annerpaamik puussiarsuarmik immiinermi killissatut tarinerup nalaanut immerneqassapput. Puussiarsuit immernissaannut killilerneqanngitsut atorneqarpata puussiarsuaq matusinnaajunnaarlugu ulikkaarpallaarneqassangilaq.

Puussiarsuit ulikkaartut 20 kiilunit oqimaannerussanngillat.

§ 14.7 SALIGAATSUUTITSINEQ

Eqqagassaqalersitsisup eqqaaviisiviit pitsaasuuunissaat saligaatsuuunissaallu pisussaaffigaa. Eqqaaviisiviit pisariaqartitsineq naapertorlugu asanneqartassapput, taamaasillutik eqqaanni tipiliortoqannginniassammatt.

Eqqaaviisiviit inaat pitsaasuullunilu saligaatsuutinnejassaaq.

Ulluinnarni eqqakkanut assingusunik uninngatitsineq mingutsitsinermik, eqqiluisaannginnermik imaluunniit uumasunik ajoqutaasunik pilersitsinermik kinguneqassangilaq.

§ 14.8 AALLERNEQ

Suliffeqarfittut nalunaarsimasumi ataatsimi eqqakkat sapaatip akunneranut ataasiarluni aaneqartassapput. Sapaatip akunnerani ulluni aalajangersimasuni piffisami nal. 7.00-ip aamma nal. 18.00-ip akornanni aallertoqartassaaq.

Ullut aalleriusussat eqqagassalerinermi aaqqissuussinermut peqataaniarluni nalunaaruteqarnermi paasissutissiissutigineqassapput imaluunniit Teknikkmut Avatangiisinullu Ingerlatsivimmut imaluunniit eqqagassalerisumut nalunaaruteqarnikkut.

Nallittunut, siumut ilimagereerneq ajornartunut (apineq, nilakkarneq, anorersuit il. il) aamma allanut tunngatillugu ullut aalleriusartut utaqqiisaasumik illuarsinnaapput.

Ulluni aralinni ataqtigiiissuni ataavartumik silap qanoq issusia siumut ilimagereernerneq ajornarallartillugu eqqakkat aaneqanngitsut tulliani nalinginnaasumik ullumi aallertarfiusumi aaneqassapput, imatut paasillugu eqqakkat puussiarsuarnut poortorlugit eqitikkat saniatigut akiliinertaqanngitsumik aaneqassapput.

Eqqakkat aaneqarnissaasa tungaanut eqqagassaqalersitsisup eqqakkat akisussaaffissavai, eqqakkallu isumannaatsumik toqqorsimassallugit.

Ullumi aallertarfiusumi nal. 07.00 nallertinnagu eqqaaviisivinnut aqqutip taassumalu eqqaata aputaajarnissaa siorarterneqarnissaalu eqqagassaqalersitsisup qulakkiissallugu pisussaaffigaa. Eqqaaviisiviit ajornaquteqanngitsumik ammarsinnaallutilu imarneqarsinnaassapput.

§ 14.8.1 EQQAKKAT AANEQARSIMANNGITSUT

Eqqakkat aaneqarsimanngippata Sullissivik imaluunniit Teknikkmut Avatangiisinullu Ingerlatsivik attavigineqassapput. Eqqakkat aaneqanngitoorsimanerat paasineqarpat piaartumik kingusinnerpaamillu ulluinnaap ataatsip qaangiunnerani Sullissivik imaluunniit Teknikkmut Avatangisiinullu Ingerlatsivik attavigineqassaaq.

Eqqakkat piffissaq eqqorlugu aaneqarsimanngippata eqqagagassaqaleritsisullu Sullissivik imaluunniit Teknikkmut Avatangiisinullu Ingerlatsivik ulluinnaap ataatsip ingerlanerani nalunaarfijisimanngippagu tullissaannik imarsinissaq sioqquillugu igitassat kommunip eqqagassalerivianut igikkiartorneqarnissaat eqqagasaqalersitsisup nammineerluni akisussaaffigaa. Tamatumani immikkut aningaasartuutaajunnartut eqqagassaqalersitsisup akilissavai.

§ 14.9 NALUNAARTUSSAATITAANEQ TAAMAATITSINERMILU NALUNAARTUSSAATITAANEQ

Nalunaarneq

Suliffeqarfut tamarmik ulluinnarni eqqakkanik assingusunik eqqagassaqalersitsisartut eqqagassalerinermut aaqqissuussinermut tunngatillugu najugaqarfiusoq nalunaarutigissallugu pisussaaffigaat. Taakkunangna ilaatinneqanngitsut tassaapput eqqagassaqalersitsisut § 15.2-imi aalajangersakkanik eqquutsitsisartut TAAKKUNUNNGALU AAQQISSUUSSINEQ ATUUPPOQ, taamatullu eqqakkanut ikuallanneqarsinnaasunut ilanngussilluni igitsinissamik immikkut akuersissuteqalersimasuullutik.

Eqqagassaqalersitsut suliffeqarfimmik najugaqarfia "Det Centrale Virksomhedsregister (CVR) Virk Data"-mut nalunaarutigineqarsimattillugu ulluinnarni eqqakkanut assingusunut aaqqissuussinermut nalunaarsimasussaatitaapput, imaluunnit suliffeqarfiup ingerlanneqarnera kommunalbestyrelsip nalunaarsorsimappagu.

Kommunip aaqqissuussinernerut nalunaarneq kommunip nittartagaa aqutigalugu Sullissivimmut saaffiginninnikkut pissaaq. Nalunaarnissamut taamaatitsinermilu nalunaarnermik immersugassaq kommunip nittartagaani aaneqarsinnaavoq, kiisalu Teknikkumut Avatangiisinullu ingerlatsivimmut saaffiginninnikkut immersuiffissat pissarsiarineqarsinnaallutik. Nalunaarnissamut taamaatitsinermilu nalunaarnermik immersugassaq pinngitsoorani atorneqassaaq.

Suliffeqarfiup, inunniq sullissiveqarfiup imaluunniit umiarsualiviup sapaatit akunneranlut naammattumik eqqaaviit imaaqeartarnissaannut nalunaarsimanissaat eqqagassaqalersitsisup pisussaaffigaat. Eqqagassaqalersitsisut sapaatitp akunneranlut naammattumik imaarsisitsisarnissamut nalunaarsimanngitsutut kommunalbestyrelsip nalilerpagit eqqagassaqalersitsisup sapaatitp akunneranlut arlaleriarluni eqqaavinnik imaarsisitsisarnissamik nalunaarnissaa piumasarineqassaaq.

Eqqagassaqalersitsisartup, naak pisussaaffigigaluarlugu, eqqagassalerinermi aaqqissuussinernut peqataaniarluni nalunaarsimanngitsoq kommunalbestyrelsip paasippagu, kommunalbestyrelsip eqqagassaqalersitsisartup aaqqissuussinermut nalunaarnissaa piumasaqaatigisinnaavaa. Ingasattumik imaluunniit arlaleriarluni unioqqutitsisoqartillugu politiinut nalunaarutiginnitoqarsinnaavoq.

Nalunaarneq allannguinerillu kingusinnerpaamik sapaatitp akunneranik ataatsimik siumut ilisimatitsinikkut Kommune Kujallermut nalunaarutigineqartassapput.

Taamaatitsinermik nalunaaruteqarneq

Nuunnermi aamma / imaluunniit najugaqfigisami suliffeqarfimmik ingerlatsineq unippat eqqagassaqalersitsisoq atuisujuunnaarnerminik nalunaartussaatitaavoq. Kommunip aaqqissuussinernerut taamaatitsineq kommunip Sullissivianut saaffiginninnikkut naammassineqarsinnaavoq. Nalunaarnermutter aamma taamaatitsinermiut tunngatillugu immersugassaq kommunip nittartagaani aaneqarsinnaavoq, kiisalu Teknikkumut Avatangiisinullu ingerlatsivimmut saaffiginninnikkut immersuiffissat pissarsiarineqarsinnaallutik. Nalunaarnissamut taamaatitsinermillu nalunaarnermik immersugassaq pinngitsoorani atorneqassaaq.

Eqqagassaqalersitsisoq atuisujuunnaarnerminik nalunaarsimanngippat eqqagassaqalersitsisup allap najugaqarfimmi tessani atuisunngornerminik nalunaarnissaata tungaanut imaluunniit Teknikkeqarfiup atuisuunermik kipititsinissaata tungaanut pineqartoq aaqqissuussinermut peqataanerminut akiliisarnissaminik pisussaaffeqarpoq.

Suliffeqarfik "Det Centrale Virksomhedsregister (CVR) Virk Data"-mi nalunaarsorneqarsimagalartillugu, imaluunniit illuummi suliffeqarfittut ingerlatsineq ersarikkallartillugu Teknikkumut Avatangiisinullu ingerlatsiviuup naatsorsutigissavaa suliffeqarfik suli ingerlanneqartoq, taamaammallu eqqagassalerinermut akiliinissani paisussaaffigigaa.

Nalunaarneq allannguinerillunniit kingusinnerpaamik sapaatitp akunneranik ataatsimik siumut ilisimatitsinikkut Kommune Kujallermut nalunaarutigineqartassapput.

§ 15 EQQAGASSAT ULORIANARTUT, ATORTUKUT SARFATORTUT AAMMA NILLATAARTITSIVIIT/QERITITSIVIIT

§ 15.1 EQQAGASSAT ULORIANARTUT, ATORTUKUT SARFATORTUT AAMMA NILLATAARTITSIVIIT/QERITITSIVIIT SUUPPAT?

Inuussutissarsiortunit **eqqakkat ulorianartut** tassaasinnaapput kemikaliat sinnkui, uuliakut, pærít atuinikitsut, qullit sullullit, akkumulatorit, kiisalu puukut navianartunut atorneqarsimasut, soorlu qalipaatinut spandit, seqqartaatit uulallu puukui.

Aamma tassaasinnaapput ilanngussaq 1-imí imaluunniit 2-mi Uuliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi taaneqartut imaluunniit nalunaarummi ilanngussaq 1-imí 2-milu taaneqartunut assingusut. Assersuutigalugu perrassaatit, naqitsinermi qalipaatit, qerinaveersaatit, pujoralaat asbestitallit, eqqagassat PCB-illit, assinik ersersaanermi akuutissat, asaatit arrorsaatinut atorsimasut kiisalu laboratorianiit eqqagassat.

Eqqakkat elektroniskiusut soorlu qarasaasiat, printerit, isiginnaarutit, oqarasuaatit, skærmit sakkullu sarfatorut. Elektronikkimut tunngasut atorsinnaajunnaarnikut tamarmik aaqqissuuussinermut ilaatinneqarput.

Nillataartitsiviit/qerititsiviit tassaasinnaapput nillataartitsiviit, qerititsiviit nullusaatillu.

Aaqqissuuussineq nakorsaatinut nakorsaatillu sinnikuinut peqqinnissaqarfimmuit tunniunneqartussanut, aallaasit imassaannut sakkunullu politiinut tunniunneqartussanut, imaluunniit eqqagassanut qaarsinnaasunut, tuniniaasumut iginnissaat isumagisassangortinneqartussanut atuutinngilaq. Eqqakkanik qaarsinnaasunik nassaartoqartillugu politiit attavigineqartassapput.

§ 15.2 AAQQISSUSSAQ KIKKUNNUT ATUUPPA??

Kommunimi suliffeqarfinnut, inunnik sullissivinnut umiarsualivinnullu tamanut.

§ 15.3 AAQQISSUSSINERMUT NASSUIAAT

Kommunip illoqarfiini nunaqarfiinilu tamani aatsisarnermik aaqqissuuussineq pilersinnejqarsimavoq, matumani eqqagassaqlersitsup nammineerluni eqqagakkanik kommunip eqqakkanik tigooraaviinut assartuineq tunniussinerlu akisussaaaffigalugu.

Eqqagassanik ulorianartunik imerpelasunik ukiumut 300 kiilu tikillugu annertussusilinnik kommunip eqqagassalerivianut tunniussisoqarsinnaavoq. Eqqagassanik ulorianartunik imerpelasunik tunniussinermi puui 25 kiilunit imaluunniit 25 literinit annerussanngillat. Tamatumani eqqagassalerivimmi sulisut mianeriniarneqarput. Eqqagassat ulorianartut imerpelasut ukiumut 300 kiilunik sinnejqarpata eqqagassat qanoq pineqassanersut erseqqinnerusumik innersuussisoqarnissaa siunertaralugu Teknikkimut Avatangiisinullu Ingerlatsivik attavigineqartassaaq.

Iilloqarfiit

Qaqortumi, Narsami aamma Nanortalimmi aatsisarnermut aaqqissuussisoqarpoq, matumani eqqagassaqlersisoq nammineerluni eqqakkanik kommunip tigooraaviinut angallassinissamik tunniussinissamillu isumaginnittussaatitaalluni.

Eqqakkat tigooraavimmi sulisunut tamatigut tunniunneqartassapput. Eqqagassat ulorianartut tunniunneqarneranni uuttorneqassapput suussusaallu allattorneqassallutik, soorluttaaq eqqagassat eqqortumik poortorneqarsimanersut nalilerneqartassasoq.

Nunaqarfiiit

Nunaqarfinni aatsinermik aaqqissuussisoqarpoq, matumanilu eqqagassanik pilersitsisoq nammineerluni eqqagassanik kommunimi illoqarfinni eqqagassanik ulorianartunik tigooraavinnut assartuinissamut tunniussinissamullu pisussaaffeqarpoq.

Nunaqarfinni eqqagassanik ulorianartunik igitsinissami Innuttaasunik Sullissivik attavigineqartassaaq. Eqqakkanik usingiaanermi Innuttaasunik Sullissiviup innersuussutai malinneqqartassapput.

§ 15.4 TOQQORSINERMI, PASSUSSINERMI ASSARTUINERMILU PIUMASAQAATIT

Eqqagassat navianartut passunneqartarnerat toqqortarineqartarnerat assartorneqartarnerallu ataatsimut isigalugu

Eqqakkanik navianartunik uninngatitsineq eqqagassaasivinni inissismaneri, ilusai matulluarsimanerilu eqqarsaatigalugit silaannarmik, nunamik, imermik sikumillu mingutsitsisinnaajunnaarlugit pissaaq. Eqqakkat navianartut sapinngisamik pooreqqaagaannik pooqartinneqassapput, taamaanngippat puuata imai suunersut erseqqissumik nalunaaqutserneqassapput.

Eqqagassaqlersitsisoq eqqakkat ulorianartut puuinik saligaatsuutitsisussaatitaavoq, taamaasilluni sinaanut kuuttoqannginnissaak akulerussuuttoqannginnissaalu pinaveersaatinneqassammat. Eqqagassat navianartut imerpasut imaluunniit qajuusaasatut ittut tamatigut poortorneqartassapput. Eqqakkat, pujoralaasunik asbestitallit, ussittunngorlugit matusartnunut poorneqartassapput.

Eqqakkat navianartut assigiinngitsut puumi ataatsimoortumi poorneqassangillat, aatsaat illersorneqarsinnaasumik poorneqarsimagunik, aalannguunnissamut userarnissamullu qulakkeerneqarsimagunik ataatsimoortinneqarsinnaapput.

Eqqaaviisiviit imaat susasaqanngitsunit tiguneqarsinnaasunngorlugit inissinneqassangillat.

Ingerlatsinermik suliaqartup eqqakkanik tigooraasup kemikaliat imaluunniit eqqakkat navianartut allat allatut poortorneqarnissaat nalilerpagu, piffissaq atorneqartoq naapertorlugu akit allattorsimaffiat atuuttoq naapertorlugu akiliuteqartitsisoqassaaq. Poortuitissanik kukkusunik atuisimanerup kingunerisaanik tigooraavimmi sulisilluni ajoqusertoqarsinnaaneranik kinguneqartumik immikkut ittumik pisoqartillugu, taava allatut igitsisinnaanermik innersuussisoqassaaq.

Eqqakkat navianartut passunneqartarnerat poortorneqartarnerallu

Eqqagassat navianartut imerpallanneqassangillat imaluunniit eqqagassanik ulorianartunik allanik naviananngitsunilluunniit akuneqassanatik.

Suliffeqarfiiit navianartunik eqqagassaateqartartut eqqagassat navianartut isumannaatsumik poortorsimanissaat qularnaagassaraat. Najoqqtassat tulliuttut naapertorlugit puui ilusilorseqarsimassapput:

- Puui ussillutilu matulluartartuussapput, imarisat siunertarineqanngitsumik aniaasoortussaajunnaarlugit.
- Puuata sananeqaataa imarisaaq innarlerneqarsinnaassanngilaq imaluunniit navianartumik akuliussinnaassanani allatulluunniit innarlerneqarsinnaassanani.
- Puua ima iluseqassaaq imarisaa isumannaatsumik tamaat ilaannaaluunniit kuineqarsinnaanngorlugu.
- Gassimik pilersoqarnissa ilimanarpal isumannaallisaammik matoqartitsisoqassaaq.

Eqqakkanik imerpalasunik uninngasuutineqarneq

Najoqquassat tulliuttut naapertorlugit eqqakkat navianartut imerpalasut toqqortarineqassapput (tassaakkajupput uuliakut, nillusaatit imerpalasut il. il.):

- Eqqakkat navianartut aammalu kuuffiup / nunap / qaarsup / erngup / sermillu akornanni imaanik siammatsaalissutit minnerpaamik marluussapput. Imaanik siammatsaalissutit marluk tassaasinnaapput tankit qaleriinnik iigallit, iikkat arlaat aserorneqalerpat kalerrisaarutitallit. Taarsiullugu toqqorsiviit ataatsimik iigallit atorneqarsinnaapput, tassanngalu aniaratarsinnaasut soorlu natermi suikkaasumi itinersanut unerarfissianut unerartinneqartassallutik imaluunniit isaavimmut / matumut / kuuffimmut ungasilluassallutik (aatsaat natit suikkaappata aammalu eqqagasar ulorianartut annikitsuinnaappata).
- Toqqorsiviit ataatsimik iigallit silamut anorimullu illersugaassapput (soorlu amerlanertigut illup iluaniittussiaallutik) aammalu ima aaqqissorsimassallutik aniasoorutaasut annersaannik katersuiffissaqaarluni.
- Toqqorsiviit natermit qatsinnerussapput ussiitsuusinnaasut paasineqarsinnaaqqullugit, aammalu maqisoorutaasinnaasut allat puuinut ajoqsiisussaajunnaarlugit. Tamannali atussangnilaq pooreeqaagaat puugitinneqarpata, taamalu puaat akuttungitsumik taarserneqartarpat.
- Poorineqartut silamiikkunik aporneqartussaajunnaarsinneqassapput.

Eqqagassat navianartut imerpalasuunngitsut toqqortarineqartarneri

Najoqquassat tulliuttut naapertorlugit eqqakkat navianartut imerpalasuunngitsut toqqortarineqassapput:

- Eqqakkat navianartut imerpalasuunngitsut sananeqaatinit navianartunit arriortortinneqanngissaannut pujoralaliunnginnissaannullu (soorlu siorarterutinit) pisariaqartillugu isumannaarneqassapput. Eqqakkat taama isumannaallisartariaqarnersut misissussallugit suliffeqarliup nammineq akisussaaffigaa.
- Eqqakkat navianartut imerpalasunik imallit (soorlu akkumulatorit) eqqakkanut navianartunut puutut ataasiinnarmik iigallitut nalinginnaasumik isigineqartarput, taamaannerisullu pineqartariaqarlutik.
- Eqqakkat navianartuunngitsut eqqakkanik navianartunik imerpalasunik (soorlu uuliakkunik) avatangiisinut seerisoqaqqunagu sinnikullit silamut anorimullu illersorneqartussanngorlugit toqqortarineqassapput.

§ 16 QISUIT EQQAKKAT

§ 16.1 QISUIT EQQAKKAT SUUPPAT?

Qisuit igitat tassaasinnaapput quassuttuut, sallilikkat, pladit imaluunniit listit nutaamik sanaartorfiusunit, nutarteriffiusunit/allanngorteriffiusunit, isateriffiusunit imaluunniit sanaartorfiusunit pisut.

Qisuk minguiarneqarsimassaaq, soorlu betonngi, fugemasse, kikissat/qinnerit qajannaarsuutillu piaarneqarsimassallutik.

Qisuit eqqakkat pingasunut immikkoortinnejartarpuit:

- 1) Qisuit ingerlaannaq atoqqinneqarsinnaasut
- 2) Qisuit minguppallaannngitsut toqqaannartumik ikualaavikkoorsinnaasut
- 3) Qisuit minguttut immikkut suliarisariallit

Kommunip pisariaqarsorippagu qisuit eqqakkat pillugit itinerusumik nassuaasersuinissamut piumasaqarsinnaavoq.

§ 16.2 AAQQISSUUSSINEQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu.

§ 16.3 AAQQISSUUSSINERMUT NASSUIAAT

Inoqarfinni tamani aatsisarnermik aaqqissuussisoqarpoq, matumanii eqqagassaqalersitsisartoq eqqakkanik kommunip tigooraavianukaassinissamik pisussaaffeqarluni.

Kommunip usingiaanissamut immikkoortiterinermullu tunngatillugu malittarisassiai malinnejqassapput.

Illoqarfiit

Qisuit eqqakkat immikkoortut 1-2 Qaqortumi ikualaavimmut imaluunniit Narsami Nanortalimmilu eqqakkanik tigooraavimmut/atoqqiivimmut igitassanngorlugit tunniunnejqassapput. Eqqaavimmi sulisumut ingerlatsisumut tunniussisoqartassaaq.

Qisuit igitassat immikkoortoq 3-miittut eqqagassanik ulorianartunik tigooraavinnut tunniunnejqartassapput. Eqqaavimmi sulisumut ingerlatsisumut tunniussisoqartassaaq.

Qisuit igitassat immikkoortuni tamaneersut agguarneqarnissaat kommunip illoqarfiini tamani atuuppoq, tunniunnejqannginnerinilu annerpaamik 200 x 100 x 50 cm angissusilerlugit aggornejqassapput.

Nunaqarfiit

Nunaqarfinni qisuit immikkoortuni 1-2-miittut qanoq iginnejqarnissaannik Innuttaasunik Sullissivik malittarisassaqarpoq.

Nunaqarfinni qisuit immikkoortumi 3-miittut qanoq iginnejqarnissaannik Sullissivik malittarisassaqarpoq.

Qisuit igitassat immikkoortuni tamaneersut aggornejqarnissaat kommunip nunaqarfiinut tamanut atuuppoq, tunniunnejqannginnerini annerpaamik 150 x 75 x 25 cm angissusilerlugit aggornejqassapput.

§ 17 NUNAMERNGIT MINGUTSITAANNGITSUT MINGUTSITALLU

§ 17.1 NUNAMERNGIT MINGUTSITAANNGITSUT MINGUTSITALLU SUUPPAT?

Nunamerngit mingutsitaanngitsut, aamma nunamerngit minguitsutut taasat tassaapput nunamerngit toqqaannartumik atoqqinnejarsinnaasut.

Nunamineq mingutsinneqarsimasoq tassaavoq avatangiisinut aamma/imaluunniit sananeqaatinik ulorianartunik akulik, aammalu avatangiisinik mingutsitsisinhaasutut imaluunniit innuttaasut peqqissusaannut uppernarsaatitalimmik aarlerinartorsiortsisinhaasoq.

Inuussutissarsiorfinni nunamineq mingutsitaq assaanikkut imaluunniit uuliamik akuutissanilluunniit nunamut maqisoornikkut pilersinnaavoq.

Nunamineq mingutsinneqarsimasoq kommunip marlunnut immikkoortittarpaa, mingutsinneqarnera apeqqutaatillugu:

1. Nunamerngit mingutsitaanngitsut (nunamerngit minguitsut)
2. Nunamerngit mingutsitat (nunamerngit annikitsumik annertuumiluunniit mingutsitat)

Pisariaqarsorineqarpat nunamerngup misissoqqissaarnissaa kommunip piumasarisinnaavaa.

§ 17.2 AAQQISSUSSAQ KIKKUNNUT ATUUPPA?

Kommunimi suliffeqarfinnut, inunniq sullissivinnut umiarsualivinnullu tamanut.

§ 17.3 AAQQISSUSSINERMUT NASSUIAAT

Nunamerngit mingutsitaanngitsut kommunip eqqagassanik tigooraavianut akeqanngitsumik iginneqarsinnaapput. Eqqaavissuarni / atoqqitassanik tigooraavinni nunaminernik mingoqanngitsunik tigooraanissamut aatsaat inissaqartillugu aaqqissuussineq atuuttassaaq. Susasaqarfimmi ingerlatsinermik sulisoq saaffigineqassaaq, taassumalu qalluinermut immikkoortiterinermullu ilitsersuussutai malinneqassallutik.

Nunamineq mingutsinneqarsimasoq pillugu Teknikkimut Avatangiisinullu Ingerlatsivimmut nalunaarutigineqassaaq, qanoq iliorluni iginneqarnissaanut innersuussisoqarniassammatt. Nunaminermik mingutsitsisoqarsimaneranik pasitsaassineq aamma nalunaarutigineqassaaq.

Nalunaaruteqarneq imatut iliuuseqarnikkut pisinnaavoq:

1. Ingerlatsinermut Avatangiisinullu Ingerlatsivimmut uunga normumut sianerluni: 70 41 00
2. Emailikket Kommune Kujallermut uunga: teknik@Kujalleq.gl
3. Allakkatigut uunga: Teknikkimut Avatangiisinullu Ingerlatsivik, Kommune Kujalleq, Postboks 514, 3920 Qaqortoq allakkatigut nassiussinermi

Ingerlatsinermut Avatangiisinullu Ingerlatsivimmiit igitsinissamut periusissamik innersuussisoqartinnagu nunamineq mingutsinneqartoq iginneqassannngilaq.

§ 18 EQQAKKAT IKUALLANNEQARNISSAMINNUT NALEQQUTTUT

§ 18.1 EQQAKKAT IKUALLANNEQARNISSAMINNUT NALEQQUTTUT SUUPPAT?

Eqqakkat ikuallanneqarnissaminut naleqquttut inuussutissarsiuteqarfinneersut atoqqitassatut, toqqorallagassatut imaluunniit eqqakkatut navianartutut immikkut passunneqarnissaannik piumasaqaatinut ilaatinneqanngitsut, elektronikkit atoqqitassaanngitsut aamma nillataartsiviit/qerititsiviit. Assersuutigalugu tassaasinnaapput poortutissat eqqakkat, plastikkit aamma pequtikut toqqaannartumik atoqqinnejqarsinnaanngitsut.

§ 18.2 AAQQISSUUSSAQ KIKKUNNUT ATUUPPA?

Kommunimi suliffeqarfinnut, inunniq sullissivinnut umiarsualivinnullu tamanut.

§ 18.3 AAQQISSUUSSINERMUT NASSUIAAT

Illoqarfinni nunaqarfinnilu tamani aatsisarnermik aaqqissuussisoqarpooq, taakkunani eqqagassaqalersitsisartoq eqqakkanik kommunip tigooraavianukaassinissamik pisussaaffeqarluni.

Kommunip usingiaanissamut immikkoortiterinermullu tunngatillugu malittarisassiai malinneqassapput.

Illuqarfiit

Eqqagassat ikuallanneqarsinnaasut Qaqortumi ikuallaavimmut iginneqassapput imaluunniit Narsami aamma Nanortalimmi eqqaavilerivimmut/atoqqivimmut.

Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitsersuutai malittussaallugit. Eqqakkat eqqortumik immikkoortiterneqarsimanersut ingerlatsinermut sulisup nalilissavaa.

Eqqagassat ikuallanneqarsinnaasut Qaqortumi, Narsami aamma Nanortalimmi tunniussinnginnermi annerpaamik 200 x 100 x 50 cm-inngorlugit aggorneqassapput. Immikkut ittumik pisoqartillugu eqqagassaleriffimmi ingerlatsinermut sulisup isumaqatigiissuteqarfigineratigut angissutsitut taaneqartut sanioqqunneqarsinnaapput.

Nunaqarfiiit

Nunaqarfinni Innuttasunik Sullissivik eqqagassat ikuallanneqarsinnaasut inuussutissarsiortuneersut qanoq pineqarnissaannik innersuussissarpooq.

Eqqakkanik usingiaanermik kommunip innersuussutit malissallugit eqqagassalerisup pisussaaffigaa. Kommunimi sulisut eqqakkat eqqortumik immikkoortiterneqarsimanersut nalilissavaat.

Eqqakkat ikuallanneqarsinnaasut kommunip nunaqarfiiini eqqakkanik tigooqqavimmut tunniunneqannginnerini annerpaamik 150 x 75 x 25 cm angissusilerlugit aggorneqassapput.

§ 19 SAVIMINIKUT

§ 19.1 SAVIMINIKUT SUUPPAT?

Savimerngit inuussutissarsioruneersut atoqqitassanngorlugit immikkoortiterneqassapput. Taakku tassaasinaapput qillertuusakut, qajannaarsuutit, ilitsiviit savimerngit, ruujorilerisunit ruujorit, illut sinaakkutaat savimerngit kiisalu containerit atorunnaakkat assigisaallu.

Saviminerit assigiinngitsut tassaasinnaapput kanngussaat, messingit, alumiiniut, sisat manngertorniuitsut, aqerlut zinkillit, nikkel, bronze, tin assigisaallu.

§ 19.2 AAQQISSUSSAQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu tamanut.

§ 19.3 AAQQISSUSSINERMUT NASSUIAAT

Inoqarfinni tamani aatsisarnermik aaqqissuussisoqarpoq, matumani eqqagassaqalersitsisartoq eqqakkanik kommunip tigooraavianukaassinissamik pisussaaffeqarluni.

Kommunip usingiaanissamut immikkoortiterinermullu tunngatillugu malittarisassiai malinneqassapput.

Iloqarfiit

Saviminikut Qaqortumi, Narsami aamma Nanortalimmi eqqakkanik tigooraavimmut/atoqqiivimmut igikkiartorneqassapput.

Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitsersuutai malittussaallugit. Eqqakkat eqqortumik immikkoortiterneqarsimanersut ingerlatsinermut sulisup nalilissavaa.

Saviminikut eqqakkanut tigooraavimmut tunniutinnginneranni annerpaamik 200 x 100 x 50 cm-inngorlugit aggornejqassapput. Immikkut ittumik pisoqartillugu eqqagassaleriffimmi ingerlatsinermut sulisup isumaqatigiissuteqarfigineratigut angissutsitut taaneqartut sanioqqunneqarsinnaapput.

Nunaqarfiit

Nunaqarfinni Innuttaasunut Sullissiviup Inuussutissarsioruntuniit saviminikut qanoq iginneqarnissaa innersuussisarput.

Eqqakkanik usingiaanermi kommunip innersuussutai malissallugit eqqagassalerisup pisussaaffigaa. Eqqakkat eqqortumik immikkoortiterneqarsimanersut kommunimi sulisut nalilissavaat.

Kommunip nunaqarfiini saviminikut eqqakkanik tigooraavimmut tunniunneqannginnerini annerpaamik 150 x 75 x 25 cm angissusilerlugit aggornejqassapput.

§ 20 QAMUTIT MOTORILLIT UMIATSIALLU ATORUNNAARTUT

§ 20.1 QAMUTIT MOTORILLIT UMIATSIALLU ATORUNNAARTUT SUUPPAT?

Biilit umiatsiallu atorunnaarnikut inuussutissarsiortuneersut tassaasinnaapput biilit, usisaatit, entrepenørit maskiinaat, umiatsiat, qamuteralaat aamma ATV-t, angallassissutissatut naleqqukkunnaarnikut.

§ 20.2 AAQQISSUUSSUUSSINEQ KIKKUNNUT ATUUPPA?

Kommunimi illoqarfinni suliffeqarfinnut, inunnik sullissivinnut umiarsualivinnullu tamanut.

§ 20.3 AAQQISSUUSSINERMUT NASSUIAAT

Kommunimi inoqarfinni tamani innersuussisarnermik aaqqissuussisoqarpoq, taakkunanilu eqqagassaqalersitsartoq nammineerluni Qaqortumi, Narsami Nanortalimmilu eqqakkanik kommunip tigooraavianukaassinissamik pisussaaffeqarluni.

Qamutinik motoriliinnik umiatsianillu kommunip eqqagassalerivianut igitsisoqartinnagu najoqqutassat makku najoqqutaralugit taakku biililerffinnit avatangiisnut mingutsitsisinnaajunnaarsinneqaqqaassapput:

Avatangiisnut mingutsitsisussaajunnaarsitsineq mekanikerimit ilinniarsimasumit suliarineqassaaq. Suliaq pitarneqarsinnaanngitsumik allequtserluni suliarineqartassaaq, taamaalilluni maangaannartoqassappat katarsorneqarsinnaaniassamat kuuffikkoortsisoqarnissaalu pinngitsoortinneqarluni. Suulluunniit ingutserlugit/imaarlugit peerneqarsimasut nassuarneqarsinnaassapput.

Qamutit motorillit umiatsialluunniit igitassanngorlugit tiguneqannginnerini eqqakkat immikkoortut makku peerneqarsimassapput:

- Airbagsit peerneqassapput pullatsinneqareersimassallutillu
- Bremseklosii asbestitallit
- Benzinaasivik aamma benzin
- Akkumulatorit aqerlullit
- Balanceklodsit aqerlortallit
- Unittaatit imerpala sortaat
- Assakaasuat qalequtaat kummit
- Elektronik
- Gear aamma hydraulikolie gearkassemitt bagtøjimillu pisut
- Katalysatorit
- Koblingip imerpala sortaa
- Kvicksølvkontakte
- Nillusaat
- Motorimut uulia
- Nikkel-Cadmium akkumulatorit
- Oliefilterit
- Pneumatiske systemit uuliaat
- Servostyringip uuliertaa
- Qitequtaasat
- Sprinklervæske

- Silaannarmik naqitamik imallit / qatserutit

Illoqarfiit

Illoqarfinni qamutit motorillit umiatsiallu atorunnaartut eqqakkanik tigooraavimmut/atoqqiivimmut tunniunneqartassapput.

Igitsinermut atatillugu avatangiisnut mingutsitsisussaajunnaarlugit misissorneqarsimanerat pillugu uppernarsaammik takutitsisoqassaaq. Uppernarsaateqanngippat kukkusumik immikkoortiterisimanermut akiliisitsisoqassaaq.

Nunaqarfiit

Nunaqarfinni suliffeqarfiit qamutinik motoorilinnik umiatsianillu igitsisussat Qaqortumi, Narsami Nanortalimmilu eqqagassanik tigooraavinnut akuerisanut/atoqqiivinnut eqqakkanik igitsiartortitsinissaminut aningaasartutinillu akiliinissaminut pisussaaffeqarput.

Igitsinermut atatillugu avatangiisnut mingutsitsisussaajunnaarlugit misissorneqarsimanerat pillugu uppernarsaammik takutitsisoqassaaq. Uppernarsaateqanngippat kukkusumik immikkoortiterisimanermut akiliisitsisoqassaaq.

§ 21 SANAARTORNERMIT IGITASSAT

§ 21.1 SANAARTORNERMIT IGITASSAT SUUPPAT?

Sanaartornermit eqqagassat tassaapput qaliassiat, betonngi, gipsit, kifflutissiat, issoq, asfalti, ujaqqat kiisalu savimernit.

Sanaartornermit eqqagassat nutaanik sanaartornermi, allannguinermi aamma nutarsaanermi kiisalu isaterinermi pinngortinneqartarput.

§ 21.2 AAQQISSUSSAQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu tamanut.

§ 21.3 AAQQISSUSSINERMUT NASSUIAAT

Sanaartornermit igitassat sapaatip akunneranut 50 m³-init annertuneruppata igitassannngortinneqarnerat nalunaarutigineqassaaq. Taamatuttaaq qanoluunniit sapaatip akunneranut eqqagassat sanaartukkanut ataasiakkaanut tunngatillugu piffissami sanaartoriusumi tamakkisumi pilersinneqaraluarupata, eqqagassat ataatsimut annertussusaat 100 m³-it qaangerpagu nalunaaruteqartoqassaaq.

Eqqagassat tamarmiusut annertussusaat nalunaarutigineqartumit qaangerneqarpat eqqagassat immikkoortukkuutaat tamarmik nalunaarutigineqartassapput.

Entreprenør rip qaugu aallartittoqassasoq eqqagassallu qanoq annertunerunersut ilisimalerniaruniuq nalunaarutigissavai.

Sanaartornermit igitassanik nalunaaruteqarnermi immersuiffissaq atorlugu Teknikkimut Avatangiisinullu Ingerlatsivimmuit nalunaaruteqartoqartassaaq.

Skiima kommunip nittartagaanit aaneqarsinnaavoq imaluunnit Teknikkeqarfimmuit pissarsiariniarneqarsinnaalluni.

Maleruaqqusat ukua aalajangersagaat allat najoqqutaralugit aamma ingerlatsinermi sulisut innersuussutaat malillugit sanaartornermi eqqakkat immikkoortiterneqassapput.


§ 22 EQQAGASSAT MATOORUSSASSATUT NALEQQUTTUT

§ 22.1 EQQAGASSAT MATOORUSSASSATUT NALEQQUTTUT SUUPPAT?

Eqqakkat matoorussassatut naleqquuttut inuussutissarsiuteqarfinneersut tassaapput eqqakkat atoqqitassatut, ikuallatassatut imaluunniit eqqakkatut navianartutut passunneqarnissaannik piumasqaatinut ilaatinneqanngitsut, elektronikkit atoqqitassaaangitsut aamma nillataartsivit/qerititsiviit. Taakku tassaasinnaapput betonngi, qalorsuit, qassutit, oqorsaatit, assakaasut qalequtai kummit, qarmasissiakut aammalu sikassaasikkat (natissiat, qaliassiat, marraat, eqqiluisaarnermi atortut).

§ 22.2 AAQQISSUUSSINEQ KIKKUNNUT ATUUPPA?

Kommunimi illoqarfinni nunaqarfinnilu suliffeqarfinnut, inunnik sullissivnnt umiarsualivinnut tamanut.



§ 22.3 AAQQISSUUSSINERMUT NASSUIAAT

Iilloqarfinni nunaqarfinnilu tamani innersuussisarnermik aaqqissuussisoqarpooq, matumanilu eqqagassaqalersitsisartoq eqqakkanik kommunip tigooraavianukaassinissamik pisussaaffeqarpooq.

BETONNGIT QAJANNAALLISAKKAT IGINNEQARTARNERAT IMMIKKUT PINEQARTILLUGU:
Betonnginik qajannaallisakkanik, tassa saviminertalinnik, igitsinermi savimerngit qajannaallisaatit annerpaamik 2 cm-inik betonngimiit aningassapput.

Eqqagassanik kiilumut 0,1 mg-imit annerusumik PCB-italinnik matoorunneqarnissamut naleqquttunik igitsinaraanni Teknikkimut Avatangiisinullu Ingerlatsivik innersuussuteqaqqullugu attavigineqassaaq.

Iilloqarfiit

Eqqakkat matoorussassatut naleqquuttut Qaqortumi, Narsami aamma Nanortalimmi eqqagassanik tigoqqavaavinnut/atoqqiivinnut igikkiartorneqassapput

Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitsersuutai malittussaallugit. Eqqakkat eqqortumik immikkoortiterneqarsimanersut ingerlatsinermut sulisup nalilissavaa.

Eqqagassat matoorussassatut naleqquuttut tigoqqavaavimmut tunniunneqartinnagit annerpaamik 100 x 50 x 25 cm-inngorlugit aggorneqassapput. Immikkut ittumik pisoqartillugu eqqagassaleriffimmi ingerlatsinermut sulisup isumaqatigiissuteqarfigineratigut angissutsitut taakku sanioqqunneqarsinnaapput.

Nunaqarfiit

Nunaqarfinni Innuttaasunik Sullissivik savimernit qanoq iginneqarnissaat pillugu inuussutissarsiortunut innersuussuteqartapoq.

Eqqakkanik usingiaanermi kommunip innersuussutai malissallugit eqqagassalerisup pisussaaffigaa. Eqqakkat eqqortumik immikkoortiterneqarsimanersut kommunimi sulisut nalilissavaat.

Nunaqarfinni eqqagassat matoorussassatut naleqquuttut tigoqqavaavimmut tunniunneqartinnagit annerpaamik 50 x 25 x 25 cm-inngorlugit aggorneqassapput.

§ 23 EQQAKKAT ANGISUUT

§ 23.1 EQQAKKAT ANGISUUT SUUPPAT?

Eqqakkat angisuut tassaapput atortut aaqqissuussinerni allani pineqanngitsut. Tassaasinnaapput pequtit, madrassit, natersuit, papkassit, pequtit atorunnaakkat il.il.

Nalinginnnaasumik atortut kikiattuunneqarsimasut eqqakkanut angisuunut tunngatillugu aaqqiisummut ilaatinneqarneq ajorput. Tassa assersuutigalugu anartarfiiit asaffiillu. Allanngortiterinerni, ingutserinerni, iluarsaassinerni kiisalu nutaanik sanaartornerni igitassat igitasanik angisuunik katersisarnermut ilaanggillat.

Eqqagassanik angisuunik eqqaasarnermut aamma ilaanggillat igitassat nalinginnaat, nunniutit, eqqakkat avatangiisinut navianartut aammattaaq eqqakkat atoqqinnejarsinnaasut. Taakkununnga aaqqissuussinerit immikkularissut atuupput.

§ 23.2 AAQQISSUUSSINEQ KIKKUNNUT ATUUPPA?

Kommunimi suliffeqarfinnut, inunnik sullissivinnut umiarsualivinnullu tamanut.

Sillimaniarneq aamma allat pequtigalugit eqqakkanik toqqaannartumik atoqqinissamik aaqqissuussineq pilersinneqarsimanngippat kommunip eqqagassanik tigooraavianit eqqakkanik angisuunik imaluunniit eqqakkanik allanik aallerneq inerteeqquaavoq.

§ 23.3 AAQQISSUUSSINERMUT NASSUIAAT

Inoqarfinni tamani aatsisarnermut aaqqissuussisoqarpoq, matumanilu eqqagassaqlersitsisartup kommunip atoqqiiviinut/eqqaavissuinut eqqakkaminik angallassinissaq tunniussinissarlu isumagissavaa.

Atoqqiivinni/eqqaavissuarmi ingerlatsinermut nakkutilliisup innersuussutai aammalu susassaqarfimmi allagartalersuineq malinnejassapput. Eqqakkat eqqagassivimmum kukkanumut imaluunniit susassaqarfimmut kukkanumut igissimagaanni ingerlatsinikkut sulisut innersuutaat naapertorlugit eqqakkat igissimasat immikkoortiterneqassapput susassaqarfimmulluunniit eqqortumut iginneqassallutik.

Eqqagassaqlersitsisut suliffeqarfiup biilia atorlugu inoqutigiinnit eqqagassanik angisuunik igitsisut inuussutissarsiornikkut sullinneqartutut naatsorsuunneqartarput, taamaalillunilu akit allattorsimaffi atuuttut naapertorlugit akileeqquneqassallutik, apeqqutaatinnagu igitsisut ilisimatitsinikuunersut imaluunniit isumaqarnersut eqqagassat inoqutigiinnit ataatsinit arlalinniluunniit eqqagassaanersut. Eqqakkat suussusilergaanerat assigiinngissuteqarpat qamutit nalunaarsimanerinut upernarsaatit kommunimit piumasarineqarsinnaapput.

Iloqarfiit

Eqqakkat angisuut Qaqortumi, Narsami aamma Nanortalimmi eqqakkanik tigooraavimmum/atoqqiivimmum iginneqassapput.

Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitsersuutai malittussaallugit. Eqqakkat eqqortumik immikkoortiterneqarsimanersut ingerlatsinermut sulisup nalilissavaa.

Nunaqarfiit

Nunaqarfinni Innuttaasunik Sullissivik savimernit qanoq iginneqarnissaat pillugu inuussutissarsiortunut innersuussuteqartapoq.

Eqqakkanik usingiaanermi kommunip innersuussutai malissallugit eqqagassalerisup pisussaaffigaa. Eqqakkat eqqortumik immikkoortiterneqarsimanersut kommunimi sulisut nalilissavaat.

§ 24 IGALAAMERNGIT IGALAAMERNILLU PUULLIT IGITASSAT

§ 24.1 IGALAAMERNGIT IGALAAMERNILLU PUULLIT IGITASSAT SUUPPAT?

Igalaamerngit igalaaminerngillu puullit tassaasinnaapput igalaat aqerlunik sinaakkusikkat, kuutsitsiffigitittarfiit igalaamerngit, igalaat qaleriissitaanngitsut sinaakkuteqanngitsut, igalaat qalipaatillit, nerriviit igalaamerngit, ilisiviit igalaamerngit, igalaamerngit aseqqukut, igalaamerngit qajannaallisakkat, naatitsiviit igalaartaat, tarrasuutit, igalaat iluneq ajortut, igalaat/igalaamerngit ungerutissiallit, imerfiit kiisalu nerisassanut puut igalaaminiusut.

Igalaamerngit katersukkat aallaqqaammut atoqqiivimmut/eqqaavissuarnut matoorunneqassapput ajornanngippallu kingorna atoqqitassanngortinneqassallutik.

§ 24.2 AAQQISSUUSSAQ KIKKUNNUT ATUUPPA?

Kommunimi illoqarfinni suliffeqarfinnut, inunnik sullissivinnut umiarsualivinnullu tamanut.

§ 24.3 AAQQISSUUSSINERMUT NASSUIAAT

Inoqarfinni tamani innersuussisarnermut aaqqissuussisoqarpoq, matumanilu eqqagassaqalersitsisartup nammineerluni kommunip eqqakkanik tigooraaviinut/atoqqiiviinut eqqakkaminik angallassinissaq tunniussinissarlu isumagissallugu pisussaaffigaa.

Eqqagassalerivimmeli/atoqqiivimmi ingerlatsinermut nakkutilliisup innersuussutai aammalu susassaqarfimmi allagartalersuineq malinnejqassapput. Eqqakkat eqqagassiiivimmut kukkusumut imaluunniit susassaqarfimmut kukkusumut igissimagaanni ingerlatsinikkut sulisut innersuutaat naapertorlugit eqqakkat igissimasat immikkoortiterneqassapput susassaqarfimmulluunniit eqqortumut iginneqassallutik.

Puiaasat utertittakkat niuertarfinnunut utertinneqartassapput.

§ 25 EQQAKKANIK TIGOORAAVINNUT/ATOQQIIVINNUT AAQQISSUUSSINEQ

§ 25.1 AAQQISSUUSSINEQ KIKKUNNUT ATUUPPA?

Kommunimi illoqarfinni suliffeqarfinnut, inunnik sullissivinnut umiarsualivinnullu tamanut.

§ 25.2 EQQAKKANIK TIGOORAAVINNUT/ATOQQIIVINNUT AAQQISSUUSSINEQ SUUA?

Kommune Kujallermi eqqagassaqlersitsisartut eqqakkaminnik igitsivigisartagassaannik eqqakkanik tigooraavinnik/atoqqiivinnik atorneqarsinnaasunik 14-inik communalbestyrelse pilersitsivoq.

§ 25.3 EQQAKKANIK TIGOORAAVINNI/ATOQQIIVINNI IMMIKKOORTITERINEQ

Eqqakkat kommunip eqqakkanik tigooraavinut/atoqqiivinut iginneqartut minnerpaamik imatut immikkoortinneqarsimassapput:

- Eqqakkat matoorneqarsinnaasut (ass. asbestos, PVC aqitsoq, kifflutissat, qarmat, sukuluisaarnermut tunngasut)
- Assakaasut qalequtai kummit fælgitaqanngitsut
- Igalaamerngit puaasallu
- Savimerngit
- Issoq
- Eqqagassat ulorianartut
- Eqqagassat mikisualuit ikuallassinnaasut
- Eqqakkat angisuit ikuallanneqarsinnaasut
- Qalorsuit qassutilu oqimalutaqanngitsut

Eqqakkat kommunip eqqagassaleriviinut/atoqqiiviinut tunniunneqareerpata eqqakkanik piginnituuneq Kommune Kujallermut ikaarsaartinneqassaaq, Kommune Kujalliullu aalajangissavaa eqqakkat sumut iginneqassanersut.

Kommune Kujalliup eqqagassaleriviini/atoqqiiviini atorunnaakkani katersineq inerteqquaavoq.

Illoqarfiit

Illoqarfinni kommunip eqqagassaleriviini/atoqqiiviini igitsinermi ingerlatsinermik sulisut attavigineqassapput. Ingerlatsinermi sulisut innersuussutaat eqqakkanik usingiaanermi malinneqassapput.

Eqqakkat eqqortumik immikkoortiterneqarnersut ingerlatsinermi sulisut nalilissavaat, eqqakkallu sumut inissinneqassanersut innersuussissallutik.

Nunaqarfiit

Nunaqarfinni kommunip eqqagassaleriviini/atoqqiiviini eqqakkanik igitsinermi Innuttaasunik Sullissivik attavigineqassaaq. Eqqakkanik usingiaanermi Innuttaasunik Sullissiviup innersuussutai malinneqqartassapput.